

四明談助目錄

第十三本 東城內外  
西郭南郭

卷二十八

四明鳥山脉 鳥山脉沿江東北行至城東甬江古蹟提綱

永寧橋 述 曹志 附 新按 并辨

清洞橋 述 聞志 曹志 湖語 注宋日湖丈尺圖 附 新按

竹墅 採 清容居士集 述 宋日湖丈尺圖

方七太屋 述 宋日湖丈尺圖

日湖 述 聞志 日湖剡源伏流 節錄 湖語二段 并 吳主一詩

南湖龍湫 節錄 湖語 附 新按

東河際 述 成化志 附 新按 鄞江門水道 附 新按

四明談助 卷二十八 目一

鄞江門 述 延祐志 嘉靖志 聞志 錢志 并 謝山辨

老梅書屋 述 湖語 鄞江書院 錄 勾餘土音詩 并 註辨

東嶽宮 述 聞志 附 新按 提標軍局 附 新按

王征南拳勇 述 南雷文定墓誌

報恩祠 述 聞志 月船居士居 錄 樗菴存稿墓誌

車橋 述 聞志 附 新按 市舶務 述 寶慶志 敬止錄

元市舶庫 述 敬止錄 海倉館 述 聞志 常平倉 述 錢志

星隕鹹塘滙 述 敬止錄 鹹塘滙水道 附 新按

四港橋 述 寶慶志 舊家余氏 錄 鄞獻表辨誤 并 徐氏新居

崔衙 附 新按 述 族望表 錄 教授植殉難指揮源 連 二弟同殉

傳 并 知縣仲佳夢神事

明在城都稅務述 敬止錄附 新按并 東西四明山脉說

靈濟寺述 敬止錄 海潮入城述 曹志

湯令公廟附 按新并 凌姓鋪路事 地藏殿附 新按

芥子菴述 聞志附 新按 平政祠述 聞志附 新按

甬江販聚鮮貨錄 冰 石首魚 春魚 梅魚 鯧魚 比

目魚 箸魚 鮳魚 紫魚 鯉魚 土附魚 鯽魚

紅魚 吹沙魚 鮠魚 鱸魚 銀魚 慈鰻 馬鮫魚

鰻魚 鯊魚 膾殘魚 鱒魚 鱣魚 鱒魚 鱧魚 江

豚 鱮魚 闌胡 烏賊 章舉 沙噀 海蜇 蝟蚌

蠨 螃蠏 彭越 交蟹 蟹 蛄子 蛤蜊 黃蛤

西施舌 蚌 蛭 蠣房 龜脚 蟹 吐鐵 螺

四明談助 卷二十八 目二

蝦等物 吳梅村海物詩四首 句餘土音詩廿二首

卷二十九

來安門附 甬江諸蹟提綱述 寶慶志

甬江樓述 嘉靖志錄 監倉呂忠公祖儉記

來遠亭述 至正續志附 新按 湯令公廟附 新按

天后宮述 曹志錄 程積齋記張白齋鄞州歌李杲堂竹枝詞

濱江廟述 聞志附 新按錄 陸放翁祠記呂忠公尋舊迹詩

環富亭述 曹志附 新按并 甬江番舶景象

海物聚集名目錄 鹽 糖 糖水 烟草 菸桿 胡椒

棉花 荔枝 龍眼 核桃 棗 紫菜 鹿角菜 苔

海藻 蝮魚 燕窩 海參 海鮓 淡菜 魚膠

秋鰲 墨魚乾 鰕米 鮓魚 玳瑁 車螯 海扇  
海月 帶魚 海鰻 鱒鰲等物附 陸士龍書一段 王  
伯厚七觀二段 句餘土音詩十二首 李杲堂竹枝詞  
十首

楊司舶江樓錄 句餘土音詩一首

張玉田卜肆述 錢志錄 戴剡源序 句餘土音詩

江下寺述 敬止錄 桃花渡述 寶慶志嘉靖志附 屠氏聞見

錄

建文帝出桃花渡述 聞志錄 萬季野咏史詩 黃南厓簡籍

遺編

船塲述 至正續志 超然亭述 嘉靖志 晁景迂詩四首

四明談助 卷二十九

目三

戰船廠附 新按錄 袁陶軒鄮北襍詩四首

蚺螭廟述 寶慶志 屠氏張網船採 屠氏宗譜

江心寺述 延祐志并 屠氏宗譜附 東西四明山脉界限說其

地有三江亭東門礮闡等跡已見第十四卷

卷三十

西郭南郭附 東四明三支總會至西南郭古蹟提綱

假山王氏述 族望表錄 御史瑄贈公鴻業明經之坪傳

大卿橋王氏附 新按錄 參政敬中 隱君家明傳

陳尚書第述 聞志族望表錄 待詔遠 大司空恭傳

社稷壇述 郡邑志 十六日競渡述 聞志錄 句餘土音詩

陸觀察竄首錄 南雷文定墓志句餘土音詩附 江都督漢傳

崇法寺岡節錄 鮎埼亭集記 崇法寺赤堊寺俱述 敬止錄

祖關菴保心亭附錄 新按錄 烏春草盧月漁詩萬季野竹枝詞

鄞女墓述錄 聞志錄 王荆公志墓文別女詩又 全謝山題詞

勾餘土音看荷臨鄞女墓二詩

謝臯羽寓居附錄 新按錄 宋參軍謝翱傳附 晞髮集詩三首

董母墓述錄 聞志錄 萬季野竹枝詞 句餘土音詩

城西豐氏舊宅附錄 新按述 甬上族望前後表錄 學士稷連孫

監倉治曾孫 吏部誼四世孫 吏部有俊五世孫 殉難通判

存芳諸傳并 曾南豐送豐學士歸里詩 句餘土音豐吏

部望揚州操 鮎埼亭集豐宅之傳後跋 湖語太平通

判一門殉難事入明有 教諭寅初 布政慶 少宗伯熙

四明談助 卷三十 目四

考功坊 處士正元應元 知府建諸傳并 水東日記

載豐教諭復故園事 萬季野咏豐布政却銀燭詩 李

杲堂豐學士熙傳後論 全謝山豐學士畫像記 南雷

文定豐南禺逸事 王弇州評豐道生詩 全謝山跋豐

考功手札

豐氏萬卷樓節採 謝山天一閣藏書記錄 黃南山豐氏園居

詩序 聞志載舊藏賀監書并劉夢得詩

紫清觀蓮花塘節錄 全謝山記 又記范培園歸棹賞荷事

勾餘土音泛舟城南詩

老龍灣述 敬止錄 楊氏脩園述 敬止錄錄 楊伯翼詩六首

城南袁氏述 族望表附 新按列 處州轂 泗州灼 贈公垞

贈公文 通判章貢士覺諸傳錄 甕牖閒評述先世逸

事三則 絜齋集記處州逸事一則

袁氏書塾進修堂述 聞志錄 袁伯長進修堂尺牘跋

柳亭袁氏書院附 新按錄 句餘土音訪絜齋書院詩

是亦樓節錄 鮎埼亭集記

又南袁氏節錄 九靈山房文附 新按述 前族望表列 贈公昇

太師韶 尚書似道 處州洪諸傳并 敬止錄記袁處

州解宋末大家邁禍事

袁氏南園採 鮎埼亭集記錄 清容集越公貯書記 芳思亭

詩并序 句餘土音經羅木堂古跡詩 聞志記奇觀樓

藏趙文敏書袁文清七觀帖事

四明談助 卷三十 目五

甬水橋述 聞志附 新按 甬水獲醜錄 王伯厚七觀并 李志

風雲雷雨山川壇述 曹志 靈顯廟述 延祐志聞志錢志

草香園述 敬止錄 薛家山附 新按

柳亭菴述 敬止錄錄 錢文薦復田記 維衛塔錄 戒香寺啞

女傳

鄭郎堰述 敬止錄 目講師墓附 新按錄 聞志目講辨

正議樓公講堂述 句餘土音詩話節錄 城南書院記

長春觀錄 句餘土音詩并詩話附 新按

鄭老避禍得禍述 嘉靖志

向陽橋述 敬止錄 長春圃述 敬止錄并 楊伯翼詩

長春塘述 聞志

四明談助卷二十八

鹹塘滙齋課餘錄

西四明錫山脉進城爲府治朝沙者已詳于上其詳朝沙之  
左托自東四明它山伏斷起烏山來沿江東北行至南門外  
永寧橋過河其脉沿城兩分不過界河西至南水關上有永  
寧橋城內浮木橋錦照橋高氏竹墅方七太宅等蹟東至甬  
江馬頭上有日湖南湖龍湫東河際鄞江門鄞江廟老梅書  
屋鄞江書院東嶽宮軍局報恩祠月船居士居車橋市舶務  
市舶庫海倉館常平倉鹹塘滙水道四港橋余相國舊居崔  
衙明都稅務城外先叙靈濟寺南路湯令公廟地藏殿北路  
芥子庵平政祠等蹟至浮橋埠止所有事物詩歌遞詳于後  
永寧橋

四明談助

卷二十八

一

雍正八年寧紹台道孫詔創立硯閘設橋于上名曰永寧曹志  
長春塘每逢大水易於崩壞以致鹹潮入內故于此設閘啓  
閉不使大水蕩決至道光元年陳觀察中孚浚河運泥將塘  
外江塗盡行填實永無水患

烏山脉左瀕河右瀕江屈曲自西南來結甬江大馬頭其  
南來水入甬水門循故道出東門落羊廟浦

一云北門進城之脉亦自錫山來從大禹王廟前分開至  
薄家滙過河若然則桃源水不能入城矣一云柳亭亦錫  
山脉自甬水橋過河若然則它山水又不能入城矣延慶  
寺前城下一帶若云自弔橋過脈則轉身太硬若云亦自  
西來過南水關則它山水又界斷諸說並存以俟知者

錦照橋 又名清洞橋

南出甬水門北達傳桂坊大街聞志曹志稱清洞橋舊名甬水門裡橋又俗名兵馬司橋湖語注云錦照橋在南湖之交又按日湖丈尺圖云甬水門東錦照橋取浮木橋一帶湖港長一百十丈八尺所稱浮木橋者即洪橋也在水月橋側

竹墅

高處州衍孫宅旁植水竹奇石號曰竹墅清容集據宋日湖丈

尺圖竹墅在甬水門內錦照橋東城下處州傳并句餘土音詩總列桂芳橋

方七太屋

日湖丈尺圖方七太屋後爲竹墅再北隔河即趙侍郎水閣

四明談助 卷二十八

二

日湖

在城內東南其源自它山出南塘河入南水關明嘉靖志所載其縱南北一百二十丈其橫東西二十丈周迴二百五十丈有奇歲久侵佔與古不侔矣聞志

日湖剡源伏流

全謝山湖語節若夫古今之評水者多矣其尚赤者我蓋未之前聞獨剡源之五曲忽孕爲丹霞之古文迅流成雷來歸于三石之邨嫣然其色幾疑流火之可捫更有石壁之遙儼若剗羊之痕殺羊巖下有石壁即所稱小赤壁也此亦大造之奇不可以常論而于湖則稍遠矣剡源九曲其第五日丹山赤水即今之三石村也絕頂有朱書丹霞二字其流赤其雷聲如豈意循城而左忽復遇之有光朱殷和以焉支其光綺

麗不可度思吾聞水流之伏行能潛出而嘿移是南湖之涓  
涓者抑猶之金庭洞口之分支耶金庭丹池說者以爲剡然源之伏流南湖亦然  
則一葦之杭渺茲衣帶獨開生面以呈變態鴻溝之畫足徵  
狡詭斯其神明宜問真宰

又云搜奇既畢放乎中流水月蒼茫大圓可求水月橋城上烏

啼格磔鈎轉城下草綠翻反芳柔聽昌黎之冷泉對遙天之

碧色彼城外之江流蓋朝潮而夕汐紛黃沙之撩人羌魚鹽

其四塞豈如此間蕭閒獨隔玉几東來錦溪西射吳志淳湖上詩是

以瑞應之來自五臺者長流連于勝跡所謂五臺開元寺中瑞應觀音者也

元吳志淳日湖詩

玉几東來浮野色錦溪西下接湖光道人燕坐心如水六月

四明談助 卷二十八

三

荷花鏡裡香

瓊波風定水紋收向日樓臺日下浮自是南湖龍象地何須

東海覓瀛州

志淳字主一無爲州人元末避兵于鄞傳見延慶寺下

南湖龍湫

在明州橋白龍王廟下

全謝山湖語節若夫南湖之湛湛尤神物之庭除不見夫長

髯如戟縞衣如茶呼吸重霄擅茲奧區朝游海上暮返城隅

疇其從之一蜃一蛟謂北郭蛟太尉之節洪波所朝没而依

此白馬楊潮白龍廟旁有張太尉祠以奉誰則據里巷之流

傳以爲山陰兄弟之招也耶銅盆浦龍相傳卽南湖所徙以神爲山陰王氏兄弟其言不經

嗟昔人之建置總非小補後人廢之其失也鹵故黨河渠正完三喉未阻江流可引地脉楚楚神龍出沒原無齟吾氣喉正當

鄞江門下爲南湖尾其離龍湫不半里

迨夫大澤遏淤泥閉誰噓枯莫宣滯英

爽勿堪更圖卜地然而雖徙新田猶思故絳穴城之道萬夫

莫障時聞風雲如來陟降

今城下尚有穴洩水不可廢也

且客不聞中山使者之行邁耶海波微揚神靈如在斯其庇

蔭且及域外何況是湖肯忘錫賚

銅盆浦陳少卿侃使琉球空中見神龍護之

夫

水利之于民至重也倘其修故渠招芳蹤吾知逝可復還否可復通耳

白龍王廟在界河之北延慶寺一邊成化志祀王氏兄弟

事載于二十一卷河北白龍王廟下

四明談助

卷二十八

四

東河際

自明州橋至鄞江廟前河寶慶志至成化志俱稱東河際以外爲甬江內蓄淡水灌田稱甬水村此河瀕江爲東河之邊際也

鄞江門水道

卽舊志所稱氣喉也城外長春塘舊係江浦接連內河故初設鄞江門其水道依舊猶之北門八圖浦之穴城亦接連內河但此兩處江浦水皆兩分其脉仍過開塞俱無礙今八圖浦已塞長春塘久不出水其穴雖有若無氣喉之日本無謂也

鄞江廟

在東南隅獅子橋東舊有鄞江門故建延祐志嘉靖志云祀鄞江先生王致舊志謬聞志云祀宋慶歷王先生致卽元時張式艮所建鄞江書院故址也錢志云鄞江廟以鄞江門得名祀關廂之神猶之舊有達信門延祐成化二志皆有達信廟也又攷延祐志云舊有鄞江門來安門漁浦門達信門今皆廢而開慶四明續志亦無之則南宋時已久廢矣全謝山鄞江廟辨四休居士周鏐亦稱鄞江先生見定海瑞巖山石刻則未可定其爲王鄞江也是地以鄞江名門又以鄞江名橋則舊謂因地得名者亦未可遽非倘卽其司土之神而必以王當之不亦鑿乎

老梅書屋

四明談助

卷二十八

五

湖語芝山老梅天下所稀其同岑者或橫臥它山之埭或飛入鏡水之祠而湖上之種世莫之知也蓋自清河精舍以供經師帶草環之疎影交枝南山大儒簪筆哦詩夫非湖曲之掌故耶鄞江張氏式艮老梅書屋南山先生祠之以詩而志失載反誤以爲王鄞江祠

鄞江書院

勾餘土音鄞江山長張氏老梅書屋

詩話張氏名式艮元末儒者其詳不可考

芝山老梅莫與京何來湖上山長庭

黃孟清曰芝山之梅甲天下而山長之梅與之

匹書院徽音不可作老梅亦復失芳馨曹南遺字歸劫火吳徵

君主一絳帳飄零對古城應憐天上張公子不與莊溪前輩

爭

詩注鄞江書院本以故鄞江門得名不以王先生得名鄞江廟又在書院之先乃祀故鄞江門關廂之神延祐志可攷也王先生書院並不在湖上張山長書院與廟相近而不可卽以廟當之東沙嘉靖志牽合繆戾竟以王先生奪山長之席聞君性道謂莊溪之不可爲章溪是已而猶謂書院卽廟則仍考之未詳也

老梅書屋後歸盧氏爲菜園至月船居士時老梅猶在因樹蔭妨菜園丁斫之月船驚知已無及矣不勝浩歎道光五年舉人張錦旋亦山長後人也

### 東嶽宮

舊名東嶽奉聖行宮在東南隅獅子橋東唐時建立宋大中祥符間賜額建炎兵火歸然獨存元至元二十六年燬大德間重建明成化間重修廟後有東岱禪院

聞嘉慶初燬後重

### 四明談助

#### 卷二十八

六

建有都神殿在宮後另闢大門出城下街近今香烟甚盛各營軍局

宋甲仗庫在府治內教場之南東阻郡圃西抵子城分爲六庫榜之曰武藏見開慶續志今提標下各營軍器總局在靈橋門內南首東嶽宮後凡遇操演收付典守者主其事昔爲象協行署今猶稱象山衙門

### 王征南拳勇

少林以拳勇名天下然主于搏人人亦得以乘之有所謂內家者以靜制動犯者應手卽仆故別少林爲外家蓋起于宋之張三峯三峯爲武當丹士徽宗召之道梗不得進夜夢真武授之拳法厥明以單丁殺賊百餘三峯之術百年以後流

傳子陝西而王宗爲最著溫州陳州同從王宗受之由是流傳于溫州嘉靖間張松溪爲最著松溪之徒三四人而四明葉繼美近泉爲之魁由是流傳于四明四明得近泉之傳者爲吳崑周雲泉單思南陳貞石孫繼槎皆各有授受而思南之傳則爲王征南思南從征關白歸老于家以其術教授然精微所在亦深自秘惜思南子不肖自傷身後莫之經紀征南聞之以銀卮數器奉爲美饋之資思南感其意始盡以不傳者傳之征南嘗夜出偵事爲守兵所獲反接庭柱數十人轟飲守之征南拾碎磁偷割其縛探懷中銀望空而擲數十人方爭攫征南遂逸出數十人追之皆踣地匍匐不能起凡搏人皆以其穴死穴暈穴啞穴一切如銅人圖法有惡侮之

者爲征南所擊其人數日不溺踵門謝過始得如故牧童竊學其法以擊伴侶立死征南視之曰此暈穴也不久當甦已而果然征南任俠嘗爲人報讐然激于不平而後爲之有與征南交故者致金以讐其弟征南毅然絕之曰此以禽獸待我也征南名來咸姓王氏征南其字也自奉化來鄞祖宗周父宰元世居城東之車橋至征南而徙同舉少時隸盧海道若騰補臨山把總錢忠介公建營以中軍統營事屢立戰功授都督僉事副總兵官事敗猶與華兵部鉤致海島蠟書往復兵部受禍讐首未懸征南終身菜食以明志識者哀之征南罷事家居慕其才藝者以爲貧必易致營將皆通殷勤而征南漠然不顧鋤地擔糞若不知己之所長有易于求食者

在也

南雷交  
定墓志

報恩祠

在靈橋門內明萬歷間邑人林御史祖述建祀郡侯蔡貴易暨其子海道副使蔡獻臣聞志祠坐南向北臨大街祠前俱爲市舍至今林氏子孫收租銀辦祀按蔡侯同安人萬歷十年知府事有功于浮梁人慶坦途後守張文奇因其緒而修之民亦翕然爲立祠以仝祀焉詳見名宦傳

月船居士居

在靈橋門內報恩祠後系出君子營盧氏今後人遷居無定盧月船先生鎬字配京別字月船初偕同邑揚爾音遊好搜討僻書軼事未幾棄去從前輩史雪汀研究經史爲根柢

四明談助

卷二十八

八

之學旣猶嫌其未博介其友執贄謝山先生門下因得盡讀所藏書而君最精銳目五行下日可畢十餘卷識解尤超絕一覽卽能穿穴其間先生目爲高第弟子乾隆癸酉登賢書赴南宮試秦尚書蕙田王學士西莊號稱博雅一見卽以畏友待之禮闈分校者爭欲得君而卒不售選授平陽教諭君以父春亭公年高不得已之官久之將陳情而春亭公之訃至奔歸自以爲大恨日戚戚因得疾服闋方補授而已不起所著詩曰南北游草寂吟草君爲人蘊藉不欲矜人以所不知生平不輕著書所作詩文亦懶于收拾今所存僅一斑而君之學亦概可見矣樗菴存稿墓誌子灃字姬水諸生能畫善詞曲著有芑塘詩稿季子泗諸生早

卒孫杰字卓人諸生現有文名

道光丁亥夏日卓人于故紙中檢得范冲一先生存悔集詩約百首有冬齋主人鵬自序一篇卓人意將附刻于全謝山先生詩集後洵美舉也

月船居士珍藏紫堅硯

硯係袁學士清容舊物鐫有銘云撫之瑩然扣之錚然吾不得而名名之曰紫堅月船曾奉謝山先生先生答之以詩董小鈍蔣樗庵范冲一三先生集中俱有和詩

車橋

自車橋東出靈橋門至浮橋其街爲李循謙所砌

聞志

南來水經日湖入鄞江廟橋必由此出鹹塘滙或至四港橋

四明談助

卷二十八

九

或至東門礮闌落江倘遇大潮亦有時至此曾聞先贈公言雍正初年曹太守濬河至車橋修築河礮兩旁拆出尚有礮石完固可見昔時市河穢濁必使江水蕩滌又恐鹹潮徧于城中故東城隨處設闌不特山薑橋一處也

市舶務

淳化元年初置于定海縣後乃移州治于行春坊縣學之西徙市舶務于子城東南其左倚羅城 嘉定十三年火通判王挺重建久而圯寶慶二年守胡榘捐楮券屬通判蔡範撤新之重其廳事曰清白堂堂之前中唐有屋以便往來東西前後列四庫臚分二十八眼以寸地尺天皆入貢奇祥異瑞爭來送不知何國致白環復道諸山得銀甕號之兩夾東西

各有門東門與來安門通出來安門爲城外往來之通衢  
之南北各設小門隔衢對來安門又立大門門之外瀕江有  
來遠亭亭爲乾道間守趙伯圭建寶慶二年蔡範重建更名  
來安賈舶至檢覈于此歷三門以入務而閉衢之南北小門  
容頓寬敞防閑縝密司存之吏亦免于戾矣務之前門與靈  
橋門近寶慶志紹定元年正月火自務之西北延燎于南務獨  
完而前門燬二月重建自此門之外先後建置皆有碑記敬止

錄

今常平倉卽宋市舶務址道光七年秋倉左城下修路掘  
得二斷碑一市舶司記一來安亭記同里友盧卓人以搨  
本二紙寄予浣江學舍請補入談助爲照騰分隸于後

四明談助

卷二十八

十

新建市舶司記

記中文貫而字蝕者闕之文不貫者全不錄

恭惟 國朝家法獨重親民之官其視筦庫出納不過委爲  
餘事選擇待遇蓋稍□□然士自一命而上苟筦一職未有  
不緣□民酒有筦所以制淫酗鹽有□所以防獷暴至若市  
有征□治有泉筦或以抑末或以通貨各有義存動與民接  
其事專其勢狎事專則易過于苛碎勢狎則易流于□擾一  
念稍差民且受殃顧可以法自諉猥謂于吾民疏乎又况舶  
有專官不過數郡凡夷蠻戎貊奇形詭狀侏離□疇鳩舌咿  
嗚而通牛鳴者連檣接艫貢琛獻贄源源相因觀光 上國  
重以商賈懋遷□物珍偉森列環萃紛至沓來掌舶之吏各  
得掌其權以治其政視它筦庫尤號繁夥蓋不獨日接吾民

且兼方外之民與之接矣可不謹哉甬東舶司創于淳化三年歷承平□中與以迄于今凡二百三十餘載監蒞之官迄無定舍範猥以庸質來倅是邦實□□舶政吳門王君炎幸聯事焉乃相與謀擇地城東隅鳩此下文脫落不貫君曰君知舶之所□來者乎此下字全缺來安亭記見二十九卷來安門下

### 元市舶庫

元改爲庫內有廩房二十八間以天開瀛海藏珍府今日規模復鼎新貨脉流通來萬寶福基綿遠慶千春爲號庫屋并前軒共六間至元元年朔蓋外門樓三間以脩關防方氏改爲慶豐倉明洪武初因之爲廣盈東倉永樂三年復爲市舶

### 四明談助

#### 卷二十八

十一

司庫名東庫商舶到官爲抽分其物皆貯于此敬止錄

### 海倉館

添設通判署在靈橋門內按署址在宋爲市舶務元改爲庫方氏改倉明洪武初因之永樂二年復爲市舶司庫俗稱東

### 庫聞志

### 常平倉

卽海倉館址舊名餘米倉乾隆二十年改名常平倉定例于米貴時減價出糶米賤時糶還其數以存七糶三爲準秋成就本邑採買歸倉其每年發給到配軍流人犯獄囚及或有難民難番口糧俱于額內支銷按廣盈倉在月湖西爲府倉明嘉靖間邑令劉宗仁復建預備倉附焉另有海倉在靈

橋門內卽今常平倉也康熙間併爲一歸縣管理府倉遂廢故常平倉猶存土地神祠二焉

錢志

### 星隕如毬

萬歷三十七年己酉秋大水漂沒民居無算八月夜天隕星如毬在靈橋門內鹹塘滙陳姓家天炎浮橋上乘涼者共見之次早入城往渠家相視見大石如盤光色閃爍人爭碎之各取一塊以歸

敬止錄

### 鹹塘滙水道

卽寶慶以後諸志所稱水喉也其所稱食喉者在今常平倉卽宋市舶務前本爲無識者所開乾隆五十年間前縣令錢復爲開成更屬妄舉後任周公琰隨卽填塞至鹹塘滙水道四明談助

### 卷二十八

十二

### 四港橋

在市舶司後鹹塘滙橋東又稱市舶司後橋

寶慶志

南來水從橋下出城落江浦予家在此少聞故老輩猶稱四港橋

### 小江橋余氏

鄞獻表小江橋余氏鼎甲二人通政使余本正德辛未榜眼大學士余有丁嘉靖壬戌探花舉人一人通判余永麟有丁之父嘉靖戊子舉人

余相國舊居在四港橋薛千仞鄞獻表誤稱小江橋余氏

攷寶慶志小江橋在車橋北巷今稱澄清橋再攷余榜眼本係南湖余氏後建第於醋務橋不與相國同族茲何以並稱小江橋余氏今四港橋橋西有小旗杆夾尚是余氏舊物

余氏舊址後歸于我徐氏康熙初昺曾祖君甫公自南鄉李家橋徙居于此世重讀書未得一衿先贈公殷重府君幼孤失學至乾隆庚子科伯兄兆昇始舉于鄉選授會稽訓導膺嘉慶十四年慶典 敕贈先公修職郎昺于嘉慶戊午科貢成均選授諸暨訓導姪元英子元長並列郡庠伯兄號澹園少事李雪嵯先生性孤介不與人苟交一芥不與然亦一芥不取親友招飲每不赴愧無以報也視

四明談助

卷二十八

十三

世事淡然人亦淡然遇之門下最盛鄞慈鎮三邑掇巍科者十餘人其學精于詩義以小序首句爲主按竊時事體認語意歷引經書作証佐積年攷訂著有毛詩翼序三十卷藏于家臨沒時屬家人治喪不用浮屠不用樂因自爲聯曰悔過在心經懺何能爲力治喪用樂衰麻只是虛文一時誦之昺自幼從伯兄學晚年授教家塾卽以地名名其居曰鹹塘滙齋每憶舊事不勝失序孤鳴之感

崔衙

在東渡門內街南明都稅院前明初十八指揮崔氏其一也自雲中來以軍功世襲寧波衛指揮因家于此至今東渡門內四港橋一帶稱崔衙前其門坊四石柱尚存

甬上族望表崔氏明初有丹山樵者植宿儒也別有指揮之後今以殉難指揮源爲一望

丹山樵者崔植

字斯立治春秋得聖人心法辨論公毅左氏三傳得失歷歷如指掌究極羣史平居儀度整肅不假修飾而規範自然洪武七年薦爲郡學教授後調處州日以成就後進爲務自號丹山樵者聞志丹山樵者與指揮崔氏不聯譜

殉難指揮崔源

字有本世家雲中祖林以佐太祖功得世官金吾再調安吉建文四年死雲南澂江府夾河之難加贈金吾大夫得蔭世官襲職指揮同知父志道外調得嗣浙之寧波永樂

四明談助

卷二十八

十四

年間自置衙署于東渡門地方開司理事卒于官公時年十六矣崔氏宗譜世襲寧波衛指揮同知因家焉公天性孝友

深沈有智泣政老成人不敢干以私正統十三年大盜鄧茂七葉宗留等起閩浙從總兵寧陽侯陳懋勦捕累獲奇功檄禦金華殺賊一十七級生擒陳唐奇等五十人陞署浙江都指揮僉事改守武義一日火發聯營公倉猝遇敵時仲弟澄季弟清俱諸生從在營中公曰事急矣我當死之弟可自爲計二弟亦挺身而前皆力戰而死朝廷憫之遣官賜祭俾其後世襲焉聞志

崔氏雙節

指揮兄弟殉難之後李淑人同姒賈郭哀慟幾絕郭不期

年以憂悴卒嗣子允甫六歲姑李太淑人年已老二孝婦  
苦心事育幾三十年有司以其事上聞朝廷旌表其門爲  
雙節准支藩庫金百兩作建坊之典鄉士大夫題其所居  
之堂曰忠節各贈以詩吳興張黃門寧爲之記子允世襲  
杭州右衛指揮六歲食俸十六歲到任遂世居于杭

崔氏宗譜

崔星子仲佳

殉難指揮八世孫仲佳以祖父世居杭州遂籍于杭登萬  
歷丁未科進士授豫章星子縣知縣仲佳于萬歷庚子元  
旦夜夢一赤面大眼王者來會云吾與汝有親姓鮑在寧  
郡係甥舅瓜葛秋闈汝今科有分特來稱賀後果捷至寧

四明談助

卷二十八

十五

祭祖訪其廟見鮑大王貌與夢相符遂謁奠至今每年九  
月十八日出會必駕至衙前相傳有省外婆之言雖大雨  
必至崔氏公輪辦祭爲衆慶會

崔氏宗譜

明在城都稅務

今改都司署

宋都稅務在東渡門內街北見寶慶志圖元時仍舊至正元  
年重建見至正續志至明初遷于水喉磯之南故海神廟地  
嘉靖後市舶不行都稅務廢見敬止錄 國初時以明理刑  
館爲城守營都司署康熙二十六年又改理刑館爲海關署  
乃遷都司署于明都稅務所錢志謂卽前明布政分司址者  
悞明布政分司在開明橋舊縣治地今爲城守營守備署署  
東爲教場

都司署後有小街東通城下橫街西通團橋今兩頭設小門截住久爲鋪戶借用惟出糞時常開小街外卽界河又稱運河舊聞小街卽運河之緯路城內自東至西皆然運河之北爲西四明石窻脉歷大雷出西山落洋東行在城內盡于宋都稅務前在城外盡於方井頭 運河之南團橋西亦大雷脉自二境廟東過河向南至澄清橋河止運河之南團橋東爲東四明仗錫脉經它山起鳥山沿江東北行在城內止于今都司署後在城外止於江心寺靈濟寺

縣治東二里宋嘉定十二年史彌遠建久廢其址築爲靈橋門月城佛殿右舊有張帝廟卑陋淳祐六年守顏頤仲重建

四明談助

卷二十八

十六

於院南偏成化志亦載

敬止錄

海潮入城

嘉靖十六年七月海潮入靈橋門父老云當出魁解是年陳

穆果占解首

曹志

湯令公廟

在濠河頭祀明信國公湯和信國於明初平方氏且有修城之功故邑人旣建廟於天妃宮前復建於此分祀之 廟東有凌姓號滄洲者數十年前以貿易起家今其子聲華好行善事一日發願自寶幢河頭至張斌橋四十里路新鋪大石版以舊石護于兩旁行人誦之且其行善不欲揚名異日當有積善之報

地藏殿

殿近長春塘在竹木柴場盡處建於乾隆三十年間門臨大江風帆上下鷗鳥羣飛入門則梵貝聲清禪堂闐寂可於鬧中取靜自濠河頭至長春塘一帶為府城甬東脉迎龍沙芥子菴

靈橋門外浮橋畔 國朝順治間海道王爾祿主建江橋寺未就而應 召郡侯楊之柎畧泐此庵以便往來栖息其左有雨暘亭舊址聞志在西岸浮橋大街之北今其屋皆租於舖戶面對道頭多冰船甬江鮮貨聚處

平政祠

浮橋西畔明萬歷間建祀郡守張正和楊鍾英後并祀海道

四明談助

卷二十八

盧若騰郡守鄒希賢陸自嶽聞志在芥子菴之北其屋亦租於舖戶南北省糧食多聚于此

冰 甬東濱江居民多以藏冰為業謂之冰廠夏初鑿取以佐

海魚行遠錢志販夫冰船多繫於芥子菴道頭

石首魚 石首魚尾鬣皆黃一名黃魚物產志魚首有魴骨堅白

如石故名四月五月間沿海羣民發巨艘入洋山競取有潮汛往來謂之洋山魚華夷鳥獸考春末夏初佐以冰曰冰鮮聞志土

人以槐荳花卜其多寡槐荳花繁則魚盛諸魚有血石首獨無血僧人謂之菩薩魚至有齋食而啖者兩航雜錄

王士性廣志繹云漁俗傍海網罟隨時弗論每歲一大漁汛在五月石首發時寧人相率以巨艦捕之其魚發于蘓州之

洋山以下子故浮水而每歲三水每水有期每期魚如山排列而至皆有聲魚師則以篙篙下水聽之魚聲向上則下網下則否是魚命司之也柁師則夜看星斗日直盤針平視風濤俯察礁島以避衝就泊是魚師司魚命柁師司人命長年則爲舟主造舟募工每船二十餘人惟魚師柁師與長年同坐餘則顛使之犯則箠之至死不以煩有司謂之五十日草頭天子也舟中床榻皆繩懸海水鹹計日困水以食窖鹽以待魚至其地雖聯舟下網有得魚多反懼沒溺而割網以出之者有空網不得隻鱗者每期下三日網有無皆回舟回則抵明之小浹港王係台人不知盡從定關直抵鄞之桃花渡每舟利者一水可得二三百金否則貸子母息以歸賣畢仍去下二水網三水亦

四明談助

卷二十八

十八

然獲利者縱金伐鼓入關爲樂不獲者掩面夜歸然十年不獲間一年獲或償十年之費亦有數十年而不得一償者故海上人以此致富亦以此破家此魚俗稱鯿乃吳王所製字食而思其美故用美頭也敬止錄

春魚 似石首而小每春三月業海人競往取之名曰捉春不減洋山之盛冬天蒲中有者曰蒲春寶慶志

梅魚 梅魚首大朱口金鱗寶慶志石首小者名梅魚也味頗佳

頭大于身呼爲梅大頭出四明梅山洋故名或云梅熟魚來故名異物志鯿魚黃魚各一種肉與味亦自不同卽如吾郡梅

魚比黃魚極小閩中呼爲小黃魚其鱗燦爛金色如大黃魚

也然各自一種今合鯿魚爲一種誤矣海味索隱

鯧魚 一名鱗魚身扁而銳狀若鏘刀身有兩斜角尾如燕尾  
細鱗如粟骨軟肉雪白于諸魚甘美第一春晚最脆寶慶志俗

又呼為娼魚以其與諸魚羣故名嘉靖志

比目魚 東方有比目魚不比不行其名謂之鰈爾雅吳都賦曰

雙則比目片則王餘俗曰越王食鱠魚未盡因以其半棄之

為魚無其一面故曰王餘也寶慶志

箸魚 其形似箸又有極大者名鰓鰻寶慶志生海中取其形似

實非一種至正續志

鮓魚 海出者最大甘肥異常腹下細骨如箭鏃俗名箭魚味

甘在皮鱗之交土人和鱗煮供之春晚與筍尤稱寶慶志

全謝山說鮓篇

四明談助 卷二十八

鮓魚之名不登爾雅按釋魚曰鰓當鮓郭氏曰海魚似鰓而  
大肥美多鯁江東呼其長三尺者為當鮓是其為鮓審矣以  
是知晉時尚未有鮓魚之名也廣韻始有鮓名矣粵之陽江  
多鱠集韻曰鱠即鮓也然則鮓魚在古曰鮓在後曰鱠而當  
鮓其別名也

鯊魚即鱣魚 鯊魚子多而肥夏初曝乾可以致遠山海經注

曰鯊狹薄而長大者長尺餘一名刀魚常以三月八日出寶慶志

又可為鮓其子曝乾名寸金幘子至正續志

鯉魚 出江河三十六鱗又號赤鱗公嘉靖志

土附魚 似黑鯉而短小附土而行不似他魚浮水故名養魚經

似吹沙而大黑皮細鱗如粟無鬣山堂肆考

鯢魚 一名河豚肝及子有大毒肉小毒煮之不可近鑑當以

物懸之一云獨眼者尤毒惟橄欖木魚茗木解之寶慶志河豚

腹下白背上青黑有黃文眼能開能閉觸物輒噴腹脹如鞠

浮於水上其腹無膽頭無腮故肝最毒大抵出海中者大毒

江中者次之又一等名白河豚又名鮓魚其狀相類無毒至正

續志

魴魚 形圓似扇無鱗色紫黑口在腹下尾長于身如狐尾其

最大曰鮫魴次曰錦魴又次曰黃魴其餘有斑魴牛魴虎魴

寶慶志應即今虎魚

吹沙魚 埤雅曰鯨鮓今吹沙小魚常開口吹沙善沈大如指

狹圓而長有黑點俗謂新婦臂味甘今鮓埼鎮多有此頗以

四明談助 卷二十八

為珍品寶慶志

鮓魚 生淺海中專食泥身圓口小骨軟肉細介象與吳王共

論魚以鮓魚為上取其益陰兩航雜錄鮓魚性慧不入網罟海人

以長網困之俟潮退取之肉厚味美凡海中魚多以大噬小

惟鮓魚不食其類物產志

鱸魚 有塘鱸形雖巨不脆有江鱸差小而味淡有海鱸皮厚

而肉脆味極珍邦人多重之寶慶志海中四腮鱸曰脆鱸江鱸

兩腮華夷鳥獸考

銀魚 口尖身銳如銀條又一種極小者名麪魚寶慶志

慈鰻 江湖河中者曰慈鰻小而色黃有雄無雌以影漫鱧而

有子寶慶志海鰻則有子異於慈鰻見後

馬駁魚 黑斑最腥魚品之下至正續志 一名社交以其交社而生

嘉靖志 色白如錫俗名擺錫其小者名青箭事物原

綬魚 一名老婆魚一名壽魚俗稱華躡魚腹有帶如帔子生

附其上或云名綬者以此吳都賦曰琵琶魚注云琵琶魚無

鱗其形似琵琶冬初出者俗多重之至春則味降矣寶慶志

鯊魚 皮上有沙故名其族甚衆寶慶志 有曰狗母沙魚者腹大

而躡洞開小沙魚羣游出入躡中似以腹爲窩海島逸志

鱠殘魚 吳王江行食繪有餘棄於中流化爲魚今魚中有名

繪殘者長數寸大者如筋猶有鱠形博物志 僧寶誌對梁武帝

食繪帝曰朕不知味二十餘年師何必爾誌乃吐出小魚鱗

尾依然今金陵繪殘魚是也高僧傳

四明談助 卷二十八

鱠鯉魚 極大而骨脆肉肥亦可爲鮓寶慶志 東海漁人言近日

獲魚長五六尺腸胃成胡鹿刀槩之狀號秦皇魚酉陽雜俎 本草

注羅願云鱠狀如鬻鼎上天下小大頭哆口似鐵兜鍪其鰓

亦可作膠如鱠鯪也亦能化龍

鱣魚 鱣腹黃故世稱黃鱣李時珍曰黃質黑章體多涎沫一

種蛇變者有毒害人肆中以缸貯水畜數百頭夜以燈照之

其蛇化者必項下有白點通身浮水上即棄之或以蒜瓣投

于缸中則羣鱣跳擲不已亦物性相制也陳藏器曰作臙當

重煮之不可用桑柴亦蛇類也本草綱目

鱧魚 出湖河身圓鱗細而且頭有七星如北斗夜半仰首向

北嘉靖志 道家忌之惟膽獨甘聞志

江豚 江豚形似猪一名大白其身多油以之照紡績則昏照  
賭博則明舊傳爲懶婦所化嘉靖志

鱈魚 鱈魚身如膏髓骨柔無鱗寶慶志

闌胡 形如小鰵大者如人指長二三寸許頭有斑點簇簇如  
星潮退數千百萬跳擲泥塗中海婦挾畚取之如拾芥名曰  
闌胡一名彈塗以盂復活者數百于地旦發視之駢首俱拱  
北無一參差者亦異矣寶慶志

烏賊 本草云腹中有墨日華子云又名鱧魚鬚脚悉在眼前  
風波稍急卽以鬚粘石爲纜圖經云一名烏鰂能吸波喫墨  
溷水以自衛使水匿不爲人害又云性嗜烏每曝水上有烏  
飛過謂其死便啄其腹則卷而食之以此得名言其爲烏之

四明談助

卷二十八

二十二

賊也腹中血并膽正如墨世謂烏賊懷墨而知禮故羅存齋  
爾雅翼謂墨魚爲海若白事小史有最小者俗呼墨斗寶慶志  
烏賊魚舊說名河伯度事小吏江東人或取墨書契以脫人  
財物逾年字消唯空紙耳骨如通草可刻名海螵蛸入藥西陽

雜俎

海若白事小史解嘲結埼亭集

墨卿先生游于蠓灘有海若白事小史請謁墨卿先生嗔曰  
嘻汝來前夫汝固百谷王之左右也研神膏以侍香案殆亦  
有年汝不聞邃古之世乎結繩之政久而難治于是有書契  
之作世世不刊苟舞文者必干嚴愆今汝職在水曹逞其詐  
諛淡墨空描枯墨易乾謬托於延安之石液與雞足之松烟

竟隨脉望亡也忽焉不特蒼黃易幻抑且緇素茫然是則決東海之波其罪莫湔者也小史對曰執事之義良峻矣雖然願畢其詞惟下吏之在淵累朝資其才力偶然遊戲爲人所得以填左券忽泯其迹是則長卿之慢世欲示以不測偶一爲之執事何過之深耶且夫世之竊弄此君者其誰無慙德耶館閣耆舊清華絕羣葫蘆依樣是爲雄文臺省鵠立白簡不分誰其批勅人云亦云更有黠者筆札狁猖研池狂蕩決河可徙高天可障言人人殊更毀互謗嗟嗟此輩下吏方欲以鮫宮之澤徧布墨林使其消歸烏有泯然無尋廓清荒穢庶幾快心當斯時也天帝方將爲下吏策奇勳加茂祉賜姓則曰墨胎命名則曰墨子授玉則墨寶成珪錫龜則墨兆具

四明談助

卷二十八

二十三

體明罰用其墨刑紀功登于墨吏乃知不朽固難速化亦自不易也執事何過之深耶墨卿先生笑曰辨哉小史思以頰舌詭逃責脩聞諸六朝試士不中程式罰飲墨水一斗使之內愧今以汝之墨飲諸不學者轉以辱汝或少弭其罪戾乎小史愀然請曰下吏之力足以療捧心之娃不能救面牆之豎雖辱何補不如乞身之爲愈于是中流乘潮復化爲花枝而去

閩人呼墨魚爲花枝

童拒 章拒大者名石拒居石穴人取之能以脚粘石拒人故名

埤談

石拒形似大算袋八足長二三尺足上突出礧礧戢戢

如釘每釘有竅浮于海沙布形如死烏啄之卷以入水噓釘啜之以此充腹其次者曰章舉又小者曰望潮

寶慶志

大筭袋魚志 鮚埼亭集

大筭袋魚爲吾鄉土物卽所謂望潮者也其大者曰章舉亦曰章拒俗傳以秦始皇東巡棄算袋于水中化而爲此魚固不足述而羅端良稱博物其爾雅翼以大筭袋魚爲鰓之別名何其舛也鰓之出以夏大筭袋之出以秋時旣不同種類亦判予嘗聞海上人語望潮亦能以鬚纏物而食之羅氏殆因此而誤耶因戲爲詩云祖龍平六王多筭仗斯袋將以贈海若百谷計可會筭囊作墨囊是亦蔡謨輩豈知五曹郎不登十笏隊 鰓能吐墨汁望潮則未之聞也

沙喫 塊然一物如牛馬腸臟頭長可五六寸許胖然如水蟲無首無尾無目無皮骨但能蠕動觸之則縮小如桃栗徐復

四明談助 卷二十八

二十四

擁腫土人以沙盆揉去其涎腥雜五辣煮之脆美味爲上物 寶慶志

海蟄 東海有物狀如凝血縱橫數尺名曰鮓魚無頭目無腹臟所處則蟲蝦附之隨其東西 博物志 肉白皮赤腹下有赤血

如芝謂之頭土人以姜醋食之其白肉縷切用礬浸謂之水母線可致遠 至正續志 海蟄陳者廣行蘓地見後瓊富亭註

蝓蚌 明越風俗志云蝓蚌并螯十足生海邊泥穴中潮退探取之小者曰黃甲後足闊者曰撥棹子東坡答丁公默送輶蚌詩有半殼含黃宜點酒兩螯斫雪勸加餐之句舒嬾堂述里諺云八月蝓蚌健如虎 寶慶志 江濱建蝓蚌廟事見後

蠚 俗呼爲蠚團臍者牝尖者牡也經霜則有赤膏俗呼母蟹

無膏曰白蟹寶慶志蟹八跪二螯八足折而容俯故謂之跪兩

螯倨而容仰故謂之螯七八月出者曰白蠚至正續志

螃蠏 俗呼毛蟹又曰田蟹螯跪帶毛山谷詩曰怒目橫行與

虎爭寒沙奔火禍胎生寶慶志

彭越 一名彭蜺螯赤者名擁劍又一種名桀步以其橫行故

為桀步寶慶志彭越一螯大一螯小以大螯鬪小螯食物至正續志

膏蟹 膏蟹蟹之至小者有膏夜有光惟正月間有之錢志膏蟹

出甬江北浦地一名交蟹以其交連不斷也入饌不待烹調

少滷以醢活取入口中咀嚼去其查鮮潔異于常蟹

鼈 俗名團魚淮南子云鼈無耳而守神神守之名以此陸佃

云魚滿三千六百則蛟龍引之而飛納鼈守之則免故名守

四明談助 卷二十八 二十五

神性畏蚊生鼈遇蚊呼則死得蚊煮則爛而熏蚊者復用鼈

甲物相報復如此古今注稱為河伯從事本草綱目鼈作人言事

見五岳軒朱氏記

蛄子 爾雅謂之魁陸有瓦壟蛄毛蛄芽蛄土物志曰有側徑

四尺皆似瓦壟有文郭璞江賦曰洪蛄專車寶慶志海味寧波

醉蛄為最藝苑卮言

蛤利 蛤每一潮生一暈海濱人以苗栽泥中伺其長八月十

六日雀入水化蛤海濱有見之者善醒酒山谷詩云商畧督

郵風味惡不堪持到蛤利前寶慶志亦云圓蛤殼口有紫暈者

肥美至正續志李時珍曰蛤類之利人者故名

黃蛤 一潮生一暈殼有紋嘉靖志一名海瓜子梅雨時最肥謂

之梅蛤錢志

西施舌 西施舌一名沙蛤大小似車螯而殼白肉中突出長可二寸如舌是物海燕所化其性甚熱兩航雜錄

蚌 蚌有珠郭璞江賦曰瓊蚌晞曜而瑩珠寶慶志

蛭 蛭子生海泥中長二三寸如大拇指其肉甚肥殼不足以容之口常開不閉時行病後不可食切忌之飯後食之佳寶慶志

蠣房 此物附石而生每一房內有蠔肉一塊大房如馬蹄小房如人指陶隱居云牡蠣是百歲雕所化道家以左顧者是

雄故名牡蠣海人取之皆鑿房以烈火逼開挑取肉食之自然甘美更益人海族之最貴者也寶慶志 南海人以蠣房砌牆

四明談助 卷二十八

二十六

燒灰粉壁食其肉謂之蠣黃蠣又名蠔初生海旁如拳石四面漸長高一二丈粘附如山俗呼蠔山韓詩蠔相粘為山千百各自生草本

龜脚 以狀似之郭璞江賦云石蚌劫音應節而揚葩寶慶志 佛手

蚌俗名龜脚聞志 石蚌生東南海中石上蚌蛤之屬江淹石蚌賦云亦有足翼得春雨則生花故郭賦云爾李時珍本草 又一種

同類異形曰蠃亦生于海巖一名老婆牙又一種曰蛭俗呼生蛭似蛤而長殼有毛又曰毛蛤寶慶志

鬻 鬻者候也鬻善候風故謂之鬻形如惠文如便面惠文武冠名便面古扇名也羅願爾雅 鬻形如覆斗青褐色十二足長

五六寸尾長二三尺殼堅硬腰間橫文一線軟可屈摺一屈

一行尾尖有刺能觸人口足皆在覆斗下每雌負雄漁者必  
雙得以竹編爲一甲粥焉韓退之詩鬻實如惠文骨眼相負  
行寶慶志其甲瑩滑青黑色眼在背上口在腹下十二足在腹  
兩旁背上有骨如角每過海相負以背乘風而游俗呼鬻帆  
亦曰鬻牌其血碧色有子如黍尾有珠如粟南人以之作鮓  
醬小者名鬼鬻食之害人李時珍本草查初白詩介屬魚其名雌  
雄同一束爬沙苦無力安用十二足

吐鐵 蝸屬形如豆大殼薄生海塗中梅月盛土人滌去涎以  
鹽浥之至正續志吐鐵歲時銜以沙沙黑似鐵至桃花時鐵始吐

盡會稽志一名泥螺出南田者佳惟五月梅雨收製不但喫飯  
飲酒卽點茶亦妙海物隱索

四明談助

卷二十八

二十七

螺 螺多種有香螺刺螺辣螺拳螺劍螺之別又有生深海中  
可爲酒杯者曰鸚鵡螺郭璞江賦曰鸚螺蛭蝸寶慶志

蝦 蝦有赤白青黃斑數色青者大如兒臂土人珍之多以餉  
遠梅熟時曰梅蝦蠶熟時曰蠶蝦大者身尺餘鬚亦二三尺  
曰蝦黃至正續志

以上水族產不一方而舟運肩挑皆先聚于牙行復爲發  
開故脩錄于此其有專美于一方者如玉筍銀鍼出月湖  
蜜鮎出蜜巖縮項鰻出蕙江瓊鮓江珧茅蚶出鮓埼分見  
各方茲不盡錄

吳梅村詩

採鮮諸俠少打鼓伐藏冰五月三江去千金一網能尾黃荷

葉蓋腮赤柳條勝笑煞兒童語烹來可飯僧

右石首

比目誠何恨滄波作伴游幸逃網罟厄可免別離愁小市時

珍改殘書土物收若逢封禪詔定向海邊求

始得東海比目魚  
封禪見管

子右比目

棄擲誠何細夫差信老饕微茫經匕箸變化入波濤風俗銀

盤薦江湖玉饌高六千殘卒在脫網總秋毫

右膾殘

強飯無良法全憑適口湯食經高此族酒客得誰方水斷車

螯味厨空牡蠣房江南沈昭畧苦嗜不能嘗

右蛤利

勾餘土音五賦四明土物

桃花鱖

桃花落徧春水一片紅雲瀾瀾渾鱖乘潮大上新鱖未敢爭

四明談助

卷二十八

二十八

肥

楊花社交

春事剛臨社日楊花飛送鮫魚但莫過時而食寧軒未解芳

腴

鮫魚過三月其味大劣在社前社後則清  
品也未知寧軒何以于四明志中貶之

桂花石首

石首有魴如玉每因叢桂重登物固以少爲貴春蒲稍遜神

清

菜花紫

紫魚曾登江賦不須腹裡瓜刀正是菜花黃日寸金幘子來

朝

魚子謂  
之寸金幘

荔枝螿

最愛荔枝嬌妍能添女兒顏色我有荔枝芳樽好爲女兒侑  
食浙東之蟬皆女兒蟬也而荔枝則女  
兒中之佳者荔粉荔酒皆閩粵產

錦蓮花蛤

紫暈巧裝笑口有似錦邊妙蓮足令督郵自媿兩足只且不

前用山  
谷語

丁香螺

鸚鵡曾稱好鳥丁香別署名花試看青螺羹熟芳馨馥馥堪  
夸

竹蠟

鮎埼蠟房最美小山扈竹成蠟接葉更添梅屋風姿兩兩清

高

四明談助

卷二十八

二十九

梅蝦

已過春蠶三眠便聽江梅三弄怪道景迂詹事戀戀青蝦乍

夢蠶蝦之後  
方爲梅蝦

勾餘土音七賦四明土物

惠文冠魚

誰與惠文君峩峩冠帶來是冠甚汗汝鈎致陪尊壘第三句  
用南史

張敬  
達傳

綬魚

吾笑宋考功眼穿桃花紋桃江黃氏謂宋之間詩有云桃如  
花紅者綬知其每□不志□官如

逢水中帔悔不作波臣

帶魚

非法錫鞶帶先王所深疚不若付庖人以補我詩瘦

甲魚

于思所棄餘入水隨崇伯釣師亦羊斟相尋須早匿

大算袋魚

朝潮便朝日夕汐便夕月巨囊百葑軌以筭歷盈闕

擁劍

歐冶仙去後魚腸不可招飛入鮫人宮化為萬霜螯

句餘土音土物雜咏

石蛙

紫薑暈春流生來附石頭初登筍子記再被郭公收雨長毛

如葑龜疑脚可求櫟園訝古訓體物固難周石蛙春雨則生毛故江淹有口

四明談助

卷二十八

三十

葩之語蓋改形容之詞升菴本  
之而以爲真花遂來櫟園之疑

土蛛

浪逐桃花漲螺生海岸腴安期曾教孝出安期鄉順母塗者爲最墨子不

回車釀貴春糟白脂分土凍儲年年梅雨後萬甕入姑胥

海蒜

笋入泥成凍閩人呼爲尼笋盛夏能凍沙生蒜有苗鮮腥需五辣縮質似

含桃性以寒能下香因脆愈嬌祇應慙骨鯁肉勝不堪驕

海扇

海中有甲物如扇三  
月三日潮盡乃出

令節報重三先來海扇帆有文如瓦屋乘勢舞春衫味託松

鄉重任士林松香集有詩名將便面參便面即惠文冠魚秋風怕搖落深臥白

龍潭

海月

老蟾紛墮水狡兔悵無衣掛席便可拾烹鮮良所希虛窻生  
夜白暗室漏晨熹清夢忽以醒容光悟化機

膏蟹

蚤應東皇令濃分土脉膏生吞偏雋永大嚼亦粗豪桀舞雖  
無有夜光定可招

能是蟹夜吐光

若逢韓禮部應共惠文嘲

霜蟻

龍健與天行如何蟻得名

龍頭乃蟻之大者

冰鱗敢比潔玉膾尚輸

清娛老真無匹凌風更有情故人仙去後誰共一杯羹

九沙嗜此

四明談助卷二十九

甬江馬頭至浮橋埠止已詳于上茲再詳浮橋埠以北至馬頭盡處上有來安門甬江樓來遠亭天后宮晁公祠瓌富亭楊司舶江樓張玉田卜肆江下寺桃花渡船塢超然亭戰船廠江心寺等蹟所有事物詩歌詳後前所謂江西南正派三支之三止于是

來安門

在市舶務之左舊不立名呼曰市舶務門寶慶三年守胡榘重修始題扁蓋先是通判蔡範建來安亭實在門外故以亭

名名之惟舶貨入則開

寶慶志

來安亭記

常平倉左掘出殘碑首行斷缺茲從字明處錄起

四明談助

卷二十九

一

我蔡侯屬萬里爲之記案范曄作後漢東□□記會稽海外有東鯤人時至會稽市鄞舊隸會稽今來者豈卽其種落耶然自魏晉迄唐千餘年間或來或絕不知其幾當必有故也羌性貪而貴吏清嗜好雖不同而此心一天理也况其涉鯨波入鮫門萬死一生得至上國雖聖德涵覆有以來之而所以安之則在領舶事者治其委積館舍飲食周禮懷方氏之職尚可考也然飲食能飽其腹不能滿其欲館舍能便其身不能悅其□然則何以安之曰使金如粟不以入懷如張都尉之論□羌則來者安寬其征輸精粗兼取如王御史之稅蕃夷則來者安市者所須藥物于它郡而□官無所求索如向文簡之著清節則來者安否則昧祛汙褻愧心忡忡

我不自安安其人可乎後之登斯亭者有以知改作命名之宜葺之俾勿壞時寶慶丙戌二月改望從政郎充慶元府府學教授方萬里記修職郎前南康軍司戶叅軍趙遵書承議郎知慶元府鄞縣知管口農公事賜緋魚袋趙崇崑題蓋

### 甬江樓

府治東南靈橋門北城上楊芾建

嘉靖志

監倉呂忠公祖儉記畧舶務東負郡城乾道之元監務事楊芾仲章建樓于其上距今二十年而樓名未立且蕪穢弗治通守丹陽蘓公玘實臨舶事暇日登城而望覽其山川之勝而一新之因名以甬江謂其屬陳景度曰甬江之名舊矣景迂晁公爲船官時蓋嘗以是名其亭于江東也其記具在今四明談助

### 卷二十九

二

超然遺址意其是與茲樓與超然相望以是而名庶幾表賢存舊之意後來者猶有攷焉謹再拜受言叙其始末而刻諸石

### 來遠亭

在城東靈橋門北穴城洞門一所內通市舶庫臨江爲亭泰定二年副提舉周燦建蓋以備監收舶商搬卸之所

至正續志洞

門對出正當今之天妃宮前此門自嘉靖時市舶罷後漸次築塞曾聞先贈公言舊時門已築塞城內無迹城外有石罅可窺尚見洞中破碎告示形跡至雍正六年大修城垣始築實無迹

### 湯令公廟

祀明信國公湯和俗稱湯令公廟信國于明初修城有功以鑿橋方氏第爲署事見鑿橋署本傳

### 天后宮

舊名天妃廟宋紹熙二年建 國朝康熙間海禁旣弛閩粵商賈輻輳海中屢著靈異捐資修建爲城東巨觀雍正五年

勅號天后

曹志

元程積齋端學重建天妃廟記畧

惟天陰隲下民凡涉大險必有神物效靈以濟之若海之有護國庇民廣濟福惠明著天妃是也我朝疆宇極天所覆地大人衆仰東南之粟以給京師視漢唐宋尤爲重神謀睿筭創運于海較循貢賦古道功相萬也然以數百萬斛委之驚

### 四明談助

#### 卷二十九

三

濤駭浪帆桅失利危在瞬息非賴神明有禱斯答其罔攸濟故褒功錫命歲時遣使致祭禮秩與岳瀆並隆著在祀典前年冬紹慶等處海運千戶所達魯花赤前進士納臣公至官廉靜易簡庶事畢理神廟適邇治所以累朝封號神蹟未刻于石懼久將湮乃具本末來請謹按神姓林氏興化莆田都巡君之季女生時神異能力拯人患難室居未三十而卒宋元祐間邑人祠之水旱癘疫舟航危急有禱輒應宣和五年給事中路允迪以八舟使高麗風溺其七獨允迪舟見神女降于檣而免事聞于朝賜廟額曰順濟紹興二十六年封靈惠夫人三十年海寇哨聚江口居民禱之神現空中起風濤烟霧寇潰就獲泉州上其事封靈惠昭應夫人乾道二年興

化大疫神降曰去廟丈許有泉可愈疾民掘斥鹵甘泉湧出  
飲者立愈又海寇作亂官兵不能捕神迷其道俾至廟前就  
擒封靈惠昭應崇福夫人嘉定元年金人寇淮甸宋兵載神  
主戰于花靨鎮仰見雲間皆神兵旗幟大捷及戰紫金山復  
見神像又捷三戰遂解合肥之圍封靈惠助順顯衛妃元大  
歷二年漕運副萬戶八十監運舟至三沙颶風七日遙呼于  
神夜見神火四起風恬浪靜運舟悉濟事聞加今封廟曰靈  
慈納臣言至順三年夏予押運至萊州洋夜半風大作禱之  
見神像轉逆以順是歲運舟無虞其隨感而應類此神之廟  
始莆徧閩浙鄞之有廟自宋紹熙二年來遠亭北舶舟長沈  
法詢往南海遇風神降于舟以濟遂詣興化分爐香以歸見

四明談助

卷二十九

四

紅光異香滿室乃捨宅爲廟址益以官地捐資募衆創殿庭  
像設有司因俾沈氏世掌之皇慶元年海運千戶范忠暨漕  
運倪天澤等復建後殿廊廡齋宿所造祭器余因序其事後記

有詩見  
聞志

張白齋琦鄧州歌三首

山入關門海入州海中白蜃吐高樓公家政簡民安作細雨  
斜陽歸飯牛

扁舟白髮芰荷香共指前頭賀監鄉西去洞天還有路人家  
兩岸種昌陽

斥鹵青陽滄海濱扶桑隔水是文身江城新市無風雪畫鼓  
朱幡迎早春

李杲堂鄧東竹枝詞

江城幡鼓出迎春太守簪花宮帽新記得少年曾趁隊天妃  
宮外看芒神

山川盡處是蓬洲有客翩然慕遠遊擬向蛟門看日出且教  
一上甬江樓

景迂先生祠

俗名濱江廟在甬江之濱祀宋晁景迂先生說之景迂因元  
符上書入黨人碑謫監明州船塢嘗著易元星紀譜及剛說  
祠乃後監官王鉛建明萬歷初燬神先見夢于隣人得從烈  
火中負像出廟復興聞志門首顏曰超然亭考超然亭船塢俱  
在桃花渡今祠在天妃宮後非昔之超然亭也

四明談助

卷二十九

五

淞江人烟稠密廟之南北每遇火災俱至廟牆而止乾隆  
庚寅間觀察潘公珣於火變後命鋪戶各讓出地三寸每  
二十間拔取一衙屏以高牆每牆俱跨大街設洞門以通  
行人自此不至延燒沾恩無盡

陸放翁游祠記畧

明州船塢新作故侍讀晁公祠成監塢事襄陽王公鉛因通  
判州事丹陽蘓君玘移書游爲之記游於公爲彌甥方踉蹌  
學步時已獲拜公則今於爲記誠不當以薄陋辭謹按公諱  
說之字以道自號景迂元豐元祐間已爲知名士崇寧後坐  
上書等斥不得立朝臨民故連爲祠廟筦庫吏其爲船塢則  
大觀政和間也寓舍直桃花渡而官寺有亭曰超然方簿書

稍暇則以讀書爲樂時時見於文章公之學深且博矣於易詩春秋其所引據多先秦古書藏山埋冢之秘卓乎獨立確乎自信雖引天下而與之爭不能奪卒成一家之說與諸儒並傳向非擯置于荒遠寂寞之地如在船塲時則雖公之敏此功未易成也公之文章本二百卷中原喪亂後其家復集之益以南渡至歿時所作纔得六十卷而士大夫猶未盡見也郡人能言公舊事者曰一日部使者來治船事詬責甚峻公從容對曰船得木乃成木非錢不可致今無錢致木則無船適宜使者爲發愧去觀公平生大節一言抗庸人之驕蓋不足書而郡人所願書故亦不敢畧之淳熙十年九月丁丑記

四明談助

卷二十九

六

放翁全文載聞志鮎埼亭集有重題祠額記載錢志道光二年祠下祀戶歷叙功績詳請 旌表 勅賜孚惠侯

呂忠公

祖儉

尋景迂舊跡詩

鄞川舊有船司空小亭晚望江之東父老猶能理前話無錢無木大無功風流已往四十載水仙木犀徒自紅吾嘗夜看司空集元符上書入邪中歲月蹉跎今幾許俯仰一身隨轉蓬自爾怕道四明守詎有律呂爲始終易元後譜此時有又得剛說來發蒙魯人獵較亦獵較復使妙句追飛鴻竭來海頭四閱月塵埃滿袖生穰氈平生執鞭所欣慕追尋故跡得數弓超然之名猶可想海氣微茫日未曛越中豈是不好事別乘皆賢心已恍塲官繾綣眞我友欲來卜築祠此翁大書

特書景迂號庶幾遺躅常清通簿書期會目前耳此意當令齊洛嵩豐公室外草芄芄了翁却埽耳若龔當時二士相游從夜闌歎息非爲躬年運而往將溟濛浚輩風□□□薄材微宦猶未工尸祝越俎自忉忉誰圖遺像置學宮時與儒先相磨礪却歸金華守吾宗端坐不出固其窮

### 瓌富亭

東渡門外譏征之所宋制相吳潛命稅官建其名取孫興公天台賦語以表山海之利云曹志濱江廟左今稱大道頭凡番

舶商舟停泊俱在來遠亭至三江口一帶颿檣矗豎檣端各立風烏青紅相間有時夜然檣燈每遇閩廣船初到或初開隣舟各鳴鉦迎送番貨海錯俱聚于此陸士龍書所稱東臨

### 四明談助

#### 卷二十九

七

巨海往往無涯汜船長馭一舉千里北接青徐東通交廣海物惟錯不可稱名今猶昔也對江爲後塘街下番灘楊柳道頭等處

### 鹽

鄞縣有鹽唐地理志世南向侍親至四明鹽白而價廉僕輩貪

利以菴盛貯邸翁曰塗中走滷將若之何授汝一法可用煨皂莢一挺置其中卽無慮矣試之果然張世南遊宦紀聞各場分屬

各所肩鹽定地方不得侵越貧難軍民許于場分地方肩挑背負易米度口謂之老少鹽曹志七觀鹽一段見前鹽倉下

糖 糖以甘蔗爲之磨後榨去查滓其汁之濁者爲青糖黃糖又名沙糖清者爲白糖又名糖霜至清者爲冰糖糖船皆自閩省來四時不斷兩浙所行轉自此發開

糖水 糖霜有譜製法絕佳今閩人治此爲利浙民多種蔗而不知造糖惟寧郡能作糖水推其法亦可治霜也浙江通志古人

享禮用形鹽今形鹽不可得鑄糖肖形以代之稱曰享糖

楊萬里詩

亦非崖蜜亦非錫青女吹簫凍作冰透骨輕寒清著齒嚼成人跡板橋聲

烟草 烟艸一名淡巴菰閩廣產者佳今各處皆種之利過于

茶然聞種烟數年易種他物土不甘亦蔬穀之害也錢志

淡巴菰賦并序 鮎埼亭集

今淡巴菰之行徧天下姚旅以爲來自呂宋按淡巴者原

屬呂宋旁近小國名王圻言其明初曾入貢但淡巴之種

四明談助 卷二十九

八

入上國其始事亦莫知爲誰黎士宏曰始于日本傳于漳

州之石馬石馬屬海澄然亦不能得其詳爰作賦以志之

將以解憂則有酒將以消碣則有茶鼎足者誰菰材最佳酒

最早成茶稍晚出至于是菰實始近日或曰是雖說文之所

謂菸抑廣雅之所謂薦古嘗志之今廣其傳迢迢淡巴非我

域中僻居荒海曠世來同何其嘉植不脛而趨普天之下靡

往不俱當夫始至尚多所怪其習嘗者半在塞外是以皇皇

厲禁頒自思陵市司所至有犯必懲而且琅琦督相視爲野

葛吾鄞錢忠介公最惡之梁谿明府指爲旱魃見南北畧黃山徵君明火勿

汗飲人宗誼事賞心尚少知己尚孤豈知金絲之薰足供清歡神

效所在莫如辟寒若夫蠲除煩悶則靈媛之流通神導氣則

仙茅其儔檳榔消瘴橄欖祛毒其用之廣較菰不足而且達人  
人畸士以寫情懷翰林墨卿以資冥助于是或采湘君之竹  
或資貝子之銅各製器而尚象且盡態以極工時則吐雲如  
龍吐霧如豹呼吸之間清空杳妙更有出別裁于舊製講巧  
思以獨宣詆火攻爲下策夸鯨吸于共川厥壺以玉厥匙以  
金比之佩觿足慰我心是以茂苑尚書雅傳三嗜必不得已  
去一去二獨愛是菰長陪研席王馬和錢更增一癖風流可  
卽顧物興思誰修菰祭以公爲尸長洲韓慕廬尚書嗜酒及  
棋與此而三或問之以必  
不得已之說初云去棋繼  
云去酒時人傳爲佳話且夫醒可醉醉可醒是固酒戶之  
所宜也饑可飽飽可饑是又胃神之所依也閒可忙忙可閒  
是又日用之所交資也觀于仁草之稱而知其行世之未衰

四明談助

卷二十九

九

也我聞淡巴記載闕然聊憑蓋露以補殘編

菸桿 烏木從海洋販至而鄞所製菸桿獨著名四方京師尤

重之近時更有一種斑色者曰虎皮桿細斑者曰芝麻桿錢志

洋船粗貨向來以蘓木白藤爲君蘓木用于染坊白藤用于

竹木匠浙省各州縣皆取于此無怪消行之多今則烏木更  
多于二者船初到時東城街上連日肩運不斷菸桿作場十  
倍于前時

胡椒 胡椒出摩伽陁國呼爲味履支形似漢椒至辛辣今作

胡椒西陽雜俎胡椒向陰生者名澄茄向陽生者名

胡椒草本今江西以上諸省以水土多寒廣行胡椒番舶載至

各商轉爲運開

棉花 林邑國有金山出吉貝吉貝者樹名也其花如鶯毳抽

其緒紡之作布南史海傳吉貝草也緝其花為布粗曰貝精曰

氎唐南蠻傳松江以棉布衣被天下而棉花相傳為種出西番唐

時始入中國按通鑑梁武帝送木棉阜帳史炤釋文云棉花

江南多有之士人以鐵鋌碾去其核取如綿者以竹為弓牽

弦以彈綿令其勻細卷為筒就車紡之自然抽緒如縑絲狀

織以為布梧潯雜棉花在浙省出于餘姚者最佳亦最多凡甬

江南北船回貨以棉花為君

荔枝 蜀都賦側生荔枝寰宇記廣州信安縣有連理荔枝即

旁挺龍目側生荔枝也蜀都賦注楓亭地宜荔彌山被野所產最

盛楓亭驛荔枝遂甲天下曹蕃荔枝譜寧俗凡祭享禮以枝圓桃

四明談助 卷二十九

棗四果為重閩廣船以乾者時至

圓眼 龍眼一名益智一名驪珠一名龍自一名圓眼一名蜜

脾一名燕卵羣芳譜龍目剖之色瑩白政如水晶九核映于外

味亦甘美但微覺草氣風韻遠遜荔枝故謂之荔枝奴梧潯襟

寧俗以龍眼肉補益于人功同人參各鄉村廣行故閩廣商

人或烘或曝裝以箱包到者特盛

核桃 張騫使西域還乃得胡桃種博物志陳倉胡桃薄皮多肌

陰平胡桃大而皮脆廣志胡桃至甬江者皆出于北地與柿乾

葡萄乾等物皆自北路船或蘓商販來

棗 棗有狗牙雞心牛頭羊矢獼猴細腰之名廣志河中府河東

郡上貢龍骨棗唐地理志至甬江者不外紅棗黑棗南棗蜜棗數

種惟黑棗行地更廣蘓商常以魚膠淡菜等物與此互易  
瓌富亭所聚之物不可勝紀明海國也但紀蠡蕘海物于  
後

紫菜 吳都賦綸組紫絳注云紫菜郭璞江賦云紫莢榮奕以  
叢被注云莢紫菜也寶慶志 產招寶山者味最美然不可多得

鹿角菜 方物歲貢鄞海錯五其第四曰鹿角菜成化志 鹿角菜

又名雞脚菜春盤中配以橙梨鰕米其味爽甚于素饌亦宜  
苔 見吳都賦海苔之類注云苔生水中正青狀如亂髮乾之

赤鹽藏有汁名曰濡苔寶慶志

海藻 爾雅曰蕒又名海藻生海中黑色如亂髮而大埤雅曰  
本艸以爾雅所謂綸似綸組似組東海有之正謂二藻也又

四明談助 卷二十九

十一

一種細者紫色曰紫角菜寶慶志

鰓魚 鰓無鱗有殼一面附石細孔雜雜或七或八顏推之云  
卽石決明一年一孔至十二孔而止以合歲數登州所出其

味珍絕廣志 鰓魚治青盲失精本草 蘓東坡詩吾生東歸收一斛

苞苴未肯鎖華屋分送羹材作眼明卻取細書防老讀鰓音  
撲今人讀作鮑非也

燕窩 燕窩名金絲海商云海際沙洲生蠶螺臂有兩肋堅潔  
而白海燕啄食之肉化而肋不化并津液吐出結爲小窩啣  
飛渡海倦則棲其上海人依時拾之以貨紫者尤佳湖海搜  
奇云出廣東陽江縣乃海燕採小魚營巢故名燕窩閩小紀  
云燕窩有烏白紅三種唯紅者最難得白者能愈痰疾紅者

有益小兒痘疹

香祖  
筆記

吳梅村詩海燕無家苦爭啣白小魚却供人採食未卜汝安居味入金螿美巢營玉壘虛大官求遠物早獻上林書

海參 海參者海中之蟲也形如長枕初拾之時長一尺餘柔軟如棉絮以礬水煮而晒之則縮小不二三寸名狀甚多當以刺參烏縐爲佳海島志海參來自番舶東西洋俱有以其能補陰故名參有肉參光參赤參之別又一種生刺者名刺參種類不一產于渤海者良

吳梅村詩預使燂湯洗遲纔入鼎鑊禁猶寬北海饌可佐南

烹

產登萊海  
中故無禁

莫辨蟲魚族疑艸木名但將滋味補勿藥養

餘生

四明談助

卷二十九

十一

海鮠 按葦間集云魚喜燈影夜把火照則羣集而取之今詢之士人良然此魚以姜山人網得者爲嘉名姜山海鮠錢志

姜湛園

宸英

緘王阮亭海艷詩

小隊羣游似錦舒蘭成賦中一寸魚燭光夜落鮫人室針尾朝登玉筯蔬曾許先生多贈致欲教微物長吹噓華堂宴集興言咏持比琴高定得如

湛園于阮亭席上和咏琴魚詩比之家鄉海艷且許爲阮亭致之故有是詩踐約

全謝山詩

春洋來海鮠半翅未能加小品足清致金光帶日華數罟多不億并命有堪嗟湛老呼名錯原無艷可誇

姜湛園以鮓爲艷李杲堂竹枝詞又作鹹稱名無定

淡菜 淡菜亦名殼菜形似珠母甚益人有東海夫人之號土人燒令汁沸出肉食之若與少米先煮熟後去兩邊鎖及毛

更入蘿蔔紫蘇同煮尤佳

寶慶志

魚膠 石首魚腹中膘可作膠

海族志

石首魚卽黃魚凡西北諸

省造屋作器皿皆以魚膠代釘黃魚膠行地甚廣蘓商習于此業近有鋪戶細氏以向來米魚肚爲入饌美品能益精氣價甚貴遂以黃魚膘條分併合變小爲大充作米魚肚味亦甚美價倍於常鄞俗又增一業

秋鮓 石首魚皮軟肉薄用微鹽醃之破脊而枯者曰鮓全其魚而醃曝之曰郎君鮓皆可經年不壞通商販于外

至正續志出

四明談助

卷二十九

十三

于台州者曰松門鮓出於象山者曰爵溪鮓其色貴白曰白鮓曝於秋曰秋鮓配以入饌無物不宜廣行天下

墨魚乾 方物歲貢鄞海錯五曰泥螺曰紫菜曰蝦米曰鹿角

菜曰墨魚乾

成化志

墨魚乾俗呼明府鮓以地名也貨于江右

爲盤釘上品

錢志

本草別錄云鹽乾者名明鮓淡乾者名脯鮓

蝦米 蝦米產明州 明州舊貢紅蝦鮓

太平寰宇記

明州蝦脯

胡銓

經筵玉音問答

鮐魚 本草作蜡一名水母一名樗蒲魚生東海形如覆笠肉

如血鮐大者如牀小者如斗腹下如垂絮純赤無腸胃眼目以鮓爲目鮓動鮐沈故曰水母目鮓如駉驢之與蛩蛩相假

矣

寶慶志

俗所稱海蟄也雨水多則是物盛土人食之皆以爲

去積其實損脾雨就雜錄採是物者必以明礬和鹽醃之始堅而脆陳者更美聚於蘓地徧行天下

楊鐵崖維楨詩海風吹沙潮欲來青蝦亂跳凝紫苔初疑長

劍斫出老蛟血又疑霹靂擊破妖龍胎蟹湯微泣瑪瑙脆蜀錦亂把并刀裁紅冰嚼碎齒不冷丹霞入腹鳴饑雷坐令海水化作葡萄醅我當大嚼一飲三百杯

玳瑁 狀如龜鰲背負十二葉取之之法倒懸其身背濕以醋以火炙之片片自落名曰頭瑁其價昂放之海中越年更生網得再炙則片薄而軟名曰二瑁其價賤以黑斑少者爲貴

海島逸志

車螯 歐陽公詩曰璀璨殼如玉斑斕點生花美此物也一名

四明談助 卷二十九

十四

昌娥一名魁蛤寶慶志車螯殼原亦蛤類生海中殼可製奇器

至正續志查初白詩剗腸誰見憐文彩却在在外本艸注羅願云雀

入淮爲蛤雉入海爲蜃大蛤也肉可以食殼可飾器物灰可闔塞牆壁又可爲粉飾面俗呼蛤粉亦或生珠其爲用多矣李時珍曰昔人謂雉化者乃蛟蜃之蜃而羅氏以爲蛤蜃之

蜃似誤世稱寶目之貝卽此物

王半山詩車螯肉甚美由美得烹燔殼以無味棄棄之能久存予嘗憐其肉柔弱甘咀吞久嘗怪其殼有功不見論醉客快一噉散投牆壁根寧能爲收拾持用訊醫門 車螯肉之弱恃殼保厥身自非身有求不敢微啓唇尚恐搗者得泥沙常埋堙往往湯火間身盡殼空存維海錯萬物口牙且咀吞

爾無如彼何可畏寧獨人無爲久自苦含匿不暴陳豁然從  
所如游蕩四海濔清波濯其汙白日晒其昏死生或有在豈  
遽得烹燔

海扇

卽車渠

海扇海中甲物也其形如扇背文如瓦屋三月三

日潮盡乃出梵書謂之牟婆各揭拉婆

霏雪錄

車渠大蛤也大

者長二三尺闊尺許厚二三寸殼外溝壟如蚌殼而深大皆  
縱文如瓦溝無橫文也番人以篩器物謬言爲玉石之類

本草

綱目

車渠作盃注酒滿過一分不溢試之果然

丹鉛錄

海月

海月形圓如月亦謂之海鏡土人鱗次之以爲天窻郭

璞江賦玉珧海月謝靈運詩曰掛席拾海月

寶慶志

海月南海

水沫所化煮時猶化爲水似半月因以名之海蛤類也

草本玉

四明談助

卷二十九

十五

跳海月二物也李時珍混爲一物誤

上四物鮮者不至惟殼售于洋貨舖用處甚廣

帶魚

海物異名記曰修若練帶

寶慶志

無鱗身似帶長可四五

尺故名

至正續志

隆冬時始出其色若銀八海取此惟閩人能之

醃以淡鹽盛于大桶可行遠

海鰻

生于海中者極大似蛇而色青白齒銛利冬晴鱗之名

風鰻江湖河中者曰慈鰻小而色黃埤雅曰鰻有雄無雌以

影漫鱧而生子今鰻腹自有子未必皆漫鱧也

寶慶志

按有子

者海鰻也江湖河中者皆無子埤雅是

錢志

魴

魴魚似鮭魚而小身薄骨細冬月出者名雪映魚味佳

至夏則味減矣率以夏至前後爲期

潛確類書

魴魚腹下之骨如

鋸可勒故名出與石首同時養魚經醃鱸亦稱鱸鯊甬江魚市

之盛鱸魚亞于黃魚有暴醃有老醃老醃者其鹽最足可耐  
久暑月食物易變味獨鱸鯊不變腐者更佳宜少注以醋  
陸士龍答車茂安書

若乃斷遏海浦隔截曲隈隨潮進退採蚌捕魚鱸鮪赤尾鋸  
齒比目不可紀名膾鯁炙鮑鯨蒸石首臠鯊鯨真東海之  
俊味肴膳之至妙也及其蚌蛤之屬目所希見耳所希聞品  
類數百難可盡言也

王伯厚七觀節

天門之水灌洊潤澹澹汨汨遠注析木三吳轉粟粲粲粒  
玉饑忙仰同叩哺檣連尾屬隻舶迅舸蠻縲夷琛東泊青微南

四明談助 卷二十九

薄朱垠登山而望渺渺鷗鷺之浮天根候五兩以颿颿爰居  
戢而澄氛雕題卉服馭貊雞林揚柁東門艤鷁江湄爰有俊  
麇犀象翠羽火齊薇水龍鱗之馥郁蠙珠木難之瓌麗杜陽  
所未編辛文不能計世道窅隆如濤降升蓋獻龜于明者治  
之兆祥符七年明州雨毛于鄮者亂之萌唐五行志神龍二

海物惟錯雋味萃同焉任公垂餌便嬛榆同竿波臣效異鱗

萬介千寸鮎腹蟹亭以埼名漢律獻醬惟遠見珍漢他理志

亭說文漢律會稽郡獻鮎醬三斗蚶菜疲民君嚴奏免貢纔鮑骨元豐仁儉

九域志明州土貢烏鮑魚骨五斤 鯊鯨蚌蛤鮑鯨鮪石首齒鋸赤尾比目

續品類之數百愉茂安之慘蹙亥市攸聚水族有簿兼韓子  
之南烹藹鬻蠓與章柱雖石華海月之詩綺貝繡螺之賦弗

能殫舉東晷之鰓邪頭之鮓潘國之魴且甌之蜃珠鰲紫魃  
居怯切其來如雨鱗魴鯁數以盆鼓于是擊鮮鼎食羞用膳  
經嘯父蝦鯨宣子魚殮陳登之鱠虞悰之鯖芼以秋菘醑以  
冬橙掇苔髮以爲菽醉螯杯而未醒

七觀宋註漢地理志鄞東南有天門水入海有越天門山  
輿地廣記象山縣東門山卽越天門山 唐蘓鶚撰杜陽  
雜編三卷言奇寶辛文姓辛名研字文子亦曰計然老子  
弟子或曰辛文字也 明州歲貢淡菜海蚶各五斗孔幾  
由右丞改華州刺史奏罷之君嚴孔幾字車茂安外甥石  
季甫見使爲鄞令舉家慘蹙問陸士龍以土地之宜士龍  
有答車茂安書見舊志 東晷縣屬朝鮮樂浪郡邪頭東

四明談助

卷二十九

十七

夷葳邪國屬三韓與高麗同種潘國屬高涼且甌疑古東  
越地盆鼓量名 世說虞嘯答孝武云天時尚煖鮑魚鰕  
鮓未可致 公羊傳晉靈公使勇士殺趙盾窺其戶方食  
魚殮勇士曰重卿而食魚殮儉也吾不忍殺 魏志漢陳  
登好食魚鱠成疾華陀治之吐蟲三升許赤頭皆動半身  
猶是生魚鱠 齊書武帝就虞悰索飲食方不與上醉後  
體不快乃獻醒酒鯖鮓一方

句餘土音九賦四明土物

蔗霜

見容齋隨筆

日暮莫倒行蔗老宜倒啖清秋結爲霜午夜白湛湛

椶筍

見至正慶元志

檣角楫閭樹嫩笋在味外乍嘗疑太苦乃有餘甘在

蓴米 見嬾堂集

蓴根乃聖米不獨蓴羹醇莫教饑與饑坐盡一湖蓴

松蕈 見剡源集

松子五粒香松蕈一輪大五臺不足奇九曲同誰過 五臺山最良

而剡源九曲之產勝之

石芥 見四明山志

絕谷有孤根種脩大小葉芼之和蒼耳餘辛滿齒頰

海藻 見至正慶元志

似綸終非綸似組又非組疑是東海君以充衣上黼

萹 俗名紫菜定海昌國海岸有之出伏龍山者著名

四明談助 卷二十九

紫絳以叢被榮暈有如織試登伏龍山朱陽亦奪色

句餘土音十賦四明土物

東海夫人

夫人海上來交以淡彌旨能成如達功不收寤生子

西施舌

爭傳若邪舌足傾姑蘇城何時來此間莫傾鮎埼亭

郎君魚

海中萬陰精那得一丈夫郎君真有用應運起新蒲 有用言

也率爾用之罪過

新婦臂

客遺一臂來五雅名可稽為君致箴警宜法王凝妻

水母

蝦鮓附蝦行終焉不可避盲心而附人其亦此一輩

李杲堂鄧東竹枝詞

太平海國久無塵雨瑞風祥四序均虎不嚙生龍不怒沙蟲

何物得傷人

車茂安憂鄧縣沙蟲為害土龍因戒之

東津橋板跨江浮一字平盛十六舟千載人驅車馬過可知

遺澤是應彪

甬江浮橋唐刺史應彪始建刺

大將樓檣擁上游水龍常見截江流年年出海艨衝好不派

金錢氏力修

江上大艦俱水軍自修不費民力

東村老姥手提盪不畏常巡官禁嚴正是古來憐寡婦田頭

拾穗許先霑

四明談助

卷二十九

海船齊到大鳴鑼上水黃魚網得多先買肥牲供羊廟弋陽

子弟唱婆娑

五月初所得黃魚曰上水魚羊刺史廟凡出海者祭之至盛

小甕黃虀送草南換來佳味看來饒一餅蟹甲純黃醬千箸

魚頭細海鹹

漁戶多台溫人俱呼為草南海船所乏者虀菜每送一餅輒換得佳味

新年設客每經旬冷饌先將海味陳接脚綠衣諸使者出身

海國衆夫人

謂龜脚淡菜二品

桃花鯉子菊花鱸一甲雌雄鬻血藍此物且當蔬菜吃幾多

怪錯未曾諳

凡鬻一對曰一甲鋸而食之其血藍甚奇

糯黃燕嘴不須賒新釀今年味更佳最是解醒風味好闌胡

羹美雜縣瓜

燕嘴糯以為酒味佳闌胡俗呼彈塗

沙白灘頭潮汐撞人家面面對鄞江蠓山疊作墻根石海月

開爲屋上窻蠓山卽房海月殼亮以置屋上日開天窻云

### 楊司舶江樓

勾餘土音詩

江亭高未若江樓高捫得天半黃雲下連東津橋海內估客  
貨百艘乘風一葉到江臯來遠亭前爭招邀市庫中亭名木難火

齊千百包珊瑚十丈何岩巖空青曾青疊架高薔薇之水清  
于醪蘓鶚杜陽不能悉寶氣磅礴凌層霄市司登樓目眩神  
搖誰知珍奇百怪不足豪我來摩挲大愚記短碑三尺文寥  
寥其價什伯青瓊瑤

### 張玉田卜肆

張炎字叔夏一字玉田杭州錢唐人俊之五世孫也元初來

### 四明談助

卷二十九

二十

鄞設卜肆其歸也袁清容爲募錢疏錢志

### 送張叔夏西歸序畧

叔夏嘗以藝北游不遇南歸愈不遇猶家錢唐十年久之又  
去東遊山陰四明天台間若少遇者旣又棄之西歸于是予  
周流授徒適與相值問叔夏何以去來道途若此叔夏曰吾  
之來本投所賢賢者貧依所知知者死雖少有遇而無以寧  
吾居吾不得已而違之豈樂爲此哉語竟意色不能無阻然  
少焉飲酣氣張取平生所爲樂府自歌之噫鳴宛抑流麗清  
暢不惟高情曠度不可褻企而一時聽之亦能令人忘去窮  
達得喪所在矣

### 句餘土音積翠山舍賣卜謠

詩話張玉田賣卜吾鄉亦甬上佳話也積翠之名卽見玉田詞中

春水王孫老矢志東渡鄞江隱卜肆垂簾終日坐焚香數十文錢足吾事摩挲錢文取不苟呼童細認咸淳字王孫雖在摧殘餘功父風流固自如小詞足映青瓊琚不見邵平老作鄞侯客忘却東陵瓜五色猶謂賢于四皓眞耳食何如王孫直尋不枉尺

### 江下寺

靈橋門外下番灘頭又名寺灣嘉靖志云爲晁景迂監船稅時造今廢爲屯種市舶船廠卽其故地予謂景迂卑職力豈

能造寺

敬止錄

### 四明談助

#### 卷二十九

二十一

### 桃花渡

東渡卽桃花渡城東門外往定海昌國路

寶慶志

桃花渡渡夫

四名每名給工食銀三兩六錢

嘉靖志

現在渡船廿二隻向係

戴馬繆滕四姓撐

屠氏聞見錄

黃攸飛斬蛟 詳見和義門攸飛廟碑記

建文帝自桃花渡渡海

永樂二十二年春二月建文帝東行十一月至寧波出鄞縣

桃花渡經定海渡蓮花洋抵普陀山

聞志

萬季野咏史詩

### 下西洋

永樂初命太監鄭和王三寶等率舟師二萬七千人由

長江出海直抵西洋或言建文君出亡西域故使和踪  
跡之俗謂之三賓太監下西洋

西洋萬里人踪絕洪波渺渺誰能越揚舲不憚鼉鼉居凌波  
直歛蛟龍窟蠻邦海外紛如埃語言屢譯猶致猜忽驚漢使  
浮槎至疑是天兵乘霧來我皇聲教已遐普天威更欲揚遠  
土殊方從此識中華異室因之輸內府昔聞漢帝開西域亦  
越唐王啓北庭黷武久蒙青史誚洪濤何事更長征人言讓  
帝遁西極此舉意在窮其迹披褐已辭黃屋尊泛舟寧作滄  
波客何妨尺地使容身應念高皇共本根徒使狂濤填猛士  
幾曾窮海遇王孫宿師海外踰十載讓帝行踪竟安在遺事  
人傳三寶名窮兵徒發千秋慨

四明談助

卷二十九

二十二

黃南厓溥簡籍遺編

南山先生孫

載建文君還京的考云壬午歲

五月靖難兵至南京建文乃先焚其宮殿有一內侍服黃袍  
乘白馬赴于火中若漢之紀信者故復有闔宮自焚之詔此  
得以服僧衣帽從以數人穿複道而出由問道南遁至兩廣  
越數年漸聞其踪跡乃遣胡濙于廣中訪張邈邈爲名不得  
而返至正統五年間忽出沒於田州境上因異其貌爲州兵  
所獲有司卽具舟伴送至省中時先大父因督學廣西巡歷  
至柳州事畢旋省由江行故得密邇其舟聞其聲音洪亮如  
鐘及至藩司堂上盤膝危坐貌則豐頤隆顙微麻雙瞳如電  
皓髮垂眉三司環列問之答云我是朱某只在田州山裡過  
世了不料小廝說道如今是使長氣候誘我出來閒遊不意

爲爾等所得向時胡濬曾來尋我假說尋張邈邈不曾尋得  
我着衆聞之皆愕然於是護至京舟次金陵望城闕淚下如  
雨乃賦詩云流落蠻荒四十秋冕旒曾戴老僧頭乾坤有夢  
家何在江漢無情水自流長樂宮中雲影散未央殿裡雨聲  
浮新蒲細柳年年綠野老吞聲哭未休及到張家灣報張太  
后問內臣中有認得者一老中貴承命馳赴則俯伏叩首相  
顧而哭尋復命云誠是無疑遂請籌于西楊先生答曰彼時  
詔告天下闔宮自焚矣茲奚復處耶止稱獲得寇田州者送  
錦衣衛乃命就於衛裏造屋七間南隔高牆日進以膳經數  
載而卒命卽葬於居所今此屋禁人罔入予嘗問餘姚黃太  
冲云絕無此事然則溥所云其大父督學時曾見之豈嚙語

四明談助

卷二十九

二十三

耶聊以溥係鄞人錄其語以俟博學詳之

敬止錄

船塢

呂忠公祖儉詩序晁景迂大觀中爲四明船塢官後七十餘  
年訪問遺蹟尚有可攷景迂思明州所居詩軒窻直到桃花

渡是也

至正續志

超然亭

在桃花渡造船塢監官晁景迂先生說之建

嘉靖志

詩列後

超然亭戲作

終日一杯終日醉看潮初上看潮回自疑前世陶貞白乘興  
閒遊鄞縣來

江上獨坐

少年曾說京華樂老得江山懷抱開風月不談辜此夕恨隨潮去與潮回

### 江亭晚望

秋色日駸駸江亭敞有陰殘霞沉浦口新月出波心

### 思四明所居

今朝旅恨到何處軒窗直到桃花渡桃花渡上風吹雨道人芒屨誰來去

### 戰船廠

今之船廠或卽宋船塢也大艦陳於江塗灰油麻鐵雜作紛營杲堂詩所謂不派金錢民力修也凡巡洋營船皆出於此寧紹台道掌其事

### 四明談助

#### 卷二十九

二十四

### 袁陶軒鄮北雜詩

晚望曾吟詹事詩超然遺址到今疑江頭盡是魚鹽地何處重尋朝散祠 晁詹事說之謫官明州船塢寓舍直桃花渡官寺有亭曰超然常讀書其中見陸游撰祠記呂忠公祖儉與王季和訪問舊迹無以得其實見四明文獻錄李朝散講學之處元時尚有祠見滎陽外史集全祖望詩誰從魚鹽中爲振講堂舊見勾餘土音今江東楊柳道頭尚有李氏舊祠 戰艦江邊歲歲修千家冢木幾家留近來樟樹隨山盡出海偏拏估客舟 戰船廠例採樟樹故家冢木爲之一空于是山中產樟者爭先去之船事不修又用商船矣

洋山三水遞相催海上潮推石首來漁浦門前瞰漁網漁舟

昨夜捉春回 桂花石首不如三水洋山魚之富見黃僉  
事潤玉南山集春魚似石首而小每春三月業海人競往  
取之名曰捉春不減洋山之盛見寶慶志

一年專等海山柴柴近清明壓折街哨艇棹歌齊唱處潮忙  
風順到江涯 諺云清明柴壓折街黃僉事潤玉海嶠漁  
樵詩序云海艘往來惟仗風帆棹歌競起風順潮忙詩云  
四時哨艇春柴賤見南山集

### 蝓蚌廟

城東江濱有蝓蚌廟俗傳有漁人獲巨蝓蚌力不能勝爲巨  
螯鉗而死今廟卽其地前賢多呼四明曰蝓蚌州寶慶志久廢

### 屠氏張網船

四明談助

卷二十九

二十五

屠姓四百年來有張網船十八對於潮漲時排船網魚絕無  
課稅相傳爲襄惠公頤養封翁所取故也屠氏宗譜

### 江心寺

資聖教寺舊名漁浦門外院在縣東北里半宋太平興國二  
年建天禧四年賜額延祐志後廢屠襄惠公以其遺基葬封翁  
松牕公遷寺于和義門外江濱今俗稱江心寺屠氏宗譜後園饒  
竹木有泥冢一片爲閩客無歸者葬處 四明江西南正派  
第三支杖錫脉至烏山沿江東北行者盡于此界河至寺北  
入大江隔浦卽羊廟爲四明江西南正派第一支石窻脉至  
西山落洋沿江東行盡處

四明談助卷三十

四明脉進城分南北東三界所有古蹟事物詩歌錄竟由城而及郭西郭自西界河以北爲進城脉所經已錄于上西界河南管家岸以東爲錫山脉分支有假山王氏大卿橋王氏大卿陳氏西社壇城西競渡河等蹟次及南郭而南郭之胛有二其南界河之西祖關以北爲錫山脉朝府治正幹上有崇法寺岡崇法寺古赤堇寺祖關菴鄞女墓董母墓馬園豐氏舊宅豐氏萬卷樓紫清觀楊氏脩園城南袁氏袁學士書塾袁氏書院是亦樓又南袁氏袁氏南園芳思亭羅木堂奇觀樓等蹟南界河之東洪硯橋以北其脈自它山起烏山來結甬東馬頭上有甬水橋南社壇薛家山草香園靈顯廟柳

四明談助

卷三十

一

亭菴維衛塔日講墓鄭郎堰樓公講堂城南書院長春觀向陽橋長春圃長春塘等蹟脉分三支凡所歷之事物詩歌並詳于下

假山王氏

第在潮音堂南岸向有山池今已漸失人猶稱假山王氏甬上族望表城西大卿橋王氏御史知長沙府瑫一望

王御史瑫

字宗玉成化十七年進士除臨邑令值歲洊饑不待報發粟以賑吏不可公曰罪在令不在若也竟發之每訟至立決未嘗收禁民歌之陞南道御史綽著風裁尋陞長沙知府府故有吉藩羣小橫暴不法前守多被窘辱公至輒訊

其巨魁白吉藩誅之羣小畏戢其鋤強伸抑類如此詳李志

### 千秋王府君鴻業

字君調別號千秋世家鄞之西郭高祖瑄成化癸丑進士以御史出守長沙曾祖金嘉靖戊子舉人劍川州守祖大濩高淳縣丞父國模諸生府君五歲而孤依母爲命長爲諸生崇禎己卯冬隣火將及父柩在堂府君從烈焰中救之須髮皆焦天爲之反風而熄里人奇其孝感辛卯喪母府君年四十有九矣而哭泣之哀猶孺子初免父母之懷也所居東園靜坐環堵閭然如在空谷顧府君才足用世計入量出莫不中程故五服中危疑之事皆取決焉子之

坊康熙癸卯舉人官知縣之坪庠生詳南雷文定墓志

### 四明談助

#### 卷三十

二

### 王明經之坪

字文三一字忝堂千秋之子知縣之坊弟也少與之坊並受業黃梨洲之門爲人孤峭動止皆有度規友明過必摘發其隱慝無所諱修脯所入卹及三黨而家常屢空同門萬公擇斯選嘗曰文三性命精微之學少躬行實踐之力多

以明經貢太學年六十三卒鄭禹梅撰墓志

### 大卿橋王氏

洪武四年辛亥科進士王敬中官主事其居第在潮音堂之南岸與王御史第相連而不同族今大卿橋之東南瀕河建祖祠面北門豎旗杆頗有重興氣象

### 參政王公敬中

字子同初名臣之字子明其先由罌湖遷居奉化白雲罌  
父鎮復遷居鄞之城西中洪武四年吳伯宗榜進士甲乙  
科並爲吾鄉舉首授刑部主事歷官參政子同有詩名遺  
艸失傳虞山列朝詩集載其七律二首已兆音格矣王氏家傳  
舊者傳洪武二十九年恩貢生道亨自城西分居于厚倉至  
今宗族盛于城西攷虞山列朝詩集小傳第稱敬中字同  
非子同官刑部主事非參政臬堂耆舊傳未知本于何書  
王氏宗譜自稱文正公旦之後亦無証據

### 王隱君家明

字君瑞爲人戇直有武藝國難日從事軍前三十餘年累  
樹功勳與職不受歸隱家園十餘載至康熙己丑卒年六

### 四明談助

#### 卷三十

三

十六王氏家傳今湖橋王氏諸生士龍明經啓元太平巷王氏  
諸生大綱弟嘉慶戊寅舉人大緯皆其後也

### 陳尚書第

城西大卿橋之南南工部尚書陳恭所居橋之得名以此聞志  
甬上族望表城西大卿陳氏靜誠先生遇之子恭自金陵來  
實居于此工部尚書恭一望

### 陳待詔遠

字中復鄞城人靜誠先生遇之弟也生而穎異誦讀一過  
輒不忘工書法尤善摹人物過四明愛俗尚淳厚遂家焉  
太祖召至闕廷命寫御容賜金帛以文淵閣待詔歸里

志

詳聞

工部尚書陳公恭

字孟起靜誠先生遇之子也居金陵從其叔遠徙家于鄞永樂三年舉人與修大典宣德時超拜大理少卿有男子嗜酒妻苦諫不聽而尋醉自剄有司以妻威逼諭死公卒貸其人正統時進工部尚書景帝眷注尤渥乞骸骨人以知止稱之

詳嘉靖志

社稷壇

舊在子城西南一里今稱西社壇橋者卽其地宋亡社廢元改建城西大鄉橋南明洪武初拓其故址築壇五丈高三尺埋石主北向社右稷左後用木主題曰府社府稷之神歲以春秋仲月上戊日致祭 國朝因之詳郡邑志

四明談助

卷三十

四

十六日中秋競渡

端午之龍舟八月十五之中秋天下皆然惟四明則以十六爲中秋以中秋競龍舟相傳史越王母夫人以十六日生故易是日爲佳節遂以龍舟娛其親俗竟因之不改天時人事皆爲相君所移

聞志

句餘土音甬上中秋改日詩

詩話甬上中秋獨在望後一日或云史真翁所改也然亦有謂魏王判府時所改者

普天中秋在今日吾鄉何以在詰朝詰朝圓魄已漸減秋容何以成佳招相傳宋家真隱翁北堂鶴髮移良宵西向瑤池乞王母莫令急汛隨驚濤王母爲之遣青鳥致意老蟾停蘭

橈相公已駐春暉永何獨吝此秋色嬌老蟾再拜啓素娥一夕信信佳神膏相公聞之喜絕倒敬謝王母萬瓊瑤詰朝起看天宇淨西池紫氣紛相邀慈竹成鞭千筍轟暖護接葉一丈高黑頭潞公彩衣舞拜前拜後俱插貂腦金片玉帶條二物

德壽所以賜真隱者時有異僧相真隱爲黑頭潞公更有競渡船非時來江皋酒闌夫

人忽三歎莫負會稽之窮交昔日貸錢充燕喜次年幾誤浙江潮湯家老母無恙否爲我百斛輸醇醪相公聞之蹶然起兒子詎敢忘報漂後果雙旌開判府旬日侯門贈金饒相公三世俱官越遺澤綿綿苗裔叨天時可爲錦堂易人事不以袞衣驕吾鄉佳話此所獨普天中秋無此豪我生荼苦百見撓薄祿逮親親已遙感懷令節空蕭騷史真隱貸錢事見袁清容集

四明談助

卷三十

五

陸觀察竄首

順治辛卯餘姚王督師翌梟首城西門陸周明觀察思收葬之每徘徊其下一日見暗中有叩首去者跡之走入破屋周明問曰子何人也其人曰漁人也周明笑曰子必有異其人流涕而言曰予毛明山也侍郎之故卒今不勝薤露之感耳時城禁方嚴周明因與計所以竄其首者曰是非江都督子雲不可子雲忠介之故將願大有智勇方杜門家居周明因共詣之子雲曰請以中秋日待我城下周明與明山如期而往會中秋競渡游人雜沓子雲披紅笠衣短後衣挾健兒數十徑登城守者以爲關東新將也趨叩頭唯謹至梟懸所問城卒曰是何人頭卒以翊對子雲佯怒曰吾仇也亦有今日

乎拔刀擊之繩斷首墮城下遂循雉堞周行縱覽濠水守者  
隨之廩廩而周明已身蔽明山匿之矣既得首藏之密室歲  
時致祭家人亦莫之知久之有告周明與張蒼水往來狀有  
司發卒圍其第搜故籍獨餘一篋未發卽縛周明去是夕登  
舟赴獄其女摒擋諸叢殘開及是篋有錦囊在其中發視之  
乃人頭也大驚急呼其叔春明視之則哭曰是侍郎首也而  
得不爲籍者所見天也顧侍郎之首顏色如生蓋十二年矣  
是夜移置中堂漏盡聞有千軍萬馬來堂下者詰旦乃與子  
雲輩商之葬之城北董給事馮侍郎二墓間同志者爲賦瘞  
鶴詩時先生尚在省獄未卒

節錄南雷文定墓志

勾餘土音擬薤露詞

四明談助

卷三十

六

誰上徐陵牘

陸觀察竄首

故人寨山中我曾叅戎幕故人梟城頭臨風不敢哭雖無舊  
旌麾猶存舊面目斯人如可生家家賣黃犢應憐國書元誰  
上徐陵牘死友吾侍郎生友江都督何以拯死友巧偷天所  
玉喧天競渡船遊人多踏踰翩然一首墮來歸吾湖曲貯藏  
歲一周從君道山麓

金甲神

江都督舞劍

金甲神夢杳冥解征衣閉柴荆床頭干將劍時時猶作怒雷  
鳴或勸君姑忘情其奈深情方寸橫爲傷莫邪劍陸沉琅江  
汀試悲歌還起舞將軍老矣尚如虎

江都督名漢字子雲徽州休寧人太夫人夢有金甲神臨

之而生頗以此自奇歲丙戌挈家而東寓鄞城西與陸春明讀書後詣錢忠介公軍門請自効忠介授以都督僉事忠介故未嘗習軍旅在江上每曰戎服登舟鳴鼓吹笳都督爲之指麾既畢則畫諾焉及浮海至長垣再出師七閩震動樓船幾下福州都督之功爲多馮侍郎之乞師日本也願得都督同行忠介遣之既歸曰東師必不出也已而日本果愆約忠介既卒都督旁皇無所之而太夫人尚在鄞乃變姓名來歸因定居焉家貧無以自給種蔬爲業病亟咄咄曰金甲神不靈耶於邑而瞑

結埼亭集外編

以下由西郭而及南郭凡南界河以西祖關以北者錄于後

四明談助

卷三十

七

崇法寺岡 亦稱祖關山

崇法寺岡記畧 結埼亭集

出城西南二里有崇法寺焉據高岡爲勝是岡也蓋甬上二道山水之會凡城南山水之自仗錫來者千巖萬壑至它山而合由南塘河以入城其西之自大雷來者千巖萬壑至桃源而合由西塘河以入城其水胥會于城中湖上故有雙清閣會泉亭以志其地餘波之在城外者會于城下之濠適當湖上雙清之地祇隔雉堞一重爲限而崇法寺岡遙臨之蓋山峙而水行水之所之山脈潛附以行是以平壤之中突然墳起雖不甚峻而氣象磅礴爲城外之偉觀王荆公爲鄞令于寺最多題墨寺中別有荆公祠其女卒卽葬此未幾魏王

愷之妃亦葬焉寺中舊有法智尊者之塔趙清敏公穹碑護之故遊人又呼曰祖關

### 崇法講寺

縣南五里宋乾德五年建屬延慶寺舊名焚化院大中祥符三年賜今額寶慶志作甲乙律院永樂志云僧併延慶講寺今號祖關者卽此寺前有撒骨淨土池敬止錄宋進士蕭寘結界記亦載敬止錄

### 赤董寺

在崇法寺西今李董山董君謨二墓皆其基也初住僧將售之于董山會董山與君謨相宴會董山頻欲別去君謨問故董山答以與僧約成契買此地以堪輿家言此地爲佳兆君

### 四明談助

#### 卷三十

八

謨亦素慕之乃堅留董山遣人卽晚倍價買之次日董山始知與之爭因分之而寺之源流不可攷矣敬止錄董李二公俱葬其封君

### 祖關菴 保心亭

宋時有延慶寺法智大師塔院保心亭在塔院門外面大河舊爲菴僧施茶之所亭右有全李董三侍郎墓沿隄荷芰頗盛進港爲祖關菴門前古木數株陰翳可憇歷階升殿殿旁有明亭快閣之勝里人金君谷亭時常修葺以爲習靜之地故花木楚楚吾鄞近日名園盡廢惟北門佑聖觀與此菴不改舊觀

明烏春草斯道城南詩明州僧寺壁間有荆公詩漢孝子董黯廟在焉

城南風景舊時聞近日長來倚夕曛斷碣有詩王相國古祠  
無主董徵君野橋一望皆春水老樹千年獨暮雲咄咄與誰  
論往事白頭林叟自耕耘

明廬月漁 灑 冬日過祖關詩

林風醒醉客朝日靜鳴鴉松老猶餘子梅寒未著花青苔荒  
古道深竹自僧家共憶山堂雪相違幾歲華

萬季野竹枝詞

勝日尋幽出祖關風情鳥意此中間雖無花榭供芳蝶幸有  
松坡當小山

城畔清池足芰荷遊人多唱采蓮歌扁舟日落猶回首會有  
香風天外過

四明談助

卷三十

九

鄞女墓

古崇法院之西北王荆公宰鄞葬殤女于此 聞志

荆公志墓文

鄞女者知鄞縣事臨川王安石之女也慶歷七年四月壬戌  
前日出而生明年六月辛巳後日入而死壬午日出葬崇法  
院之西北吾女慧異甚吾固疑其成之難也噫

又解任別女詩

行年三十已衰翁滿眼憂傷祇自攻今夜扁舟來訣汝死生  
從此各西東

全謝山題王半山鄞女志

舒王之葬殤女在吾鄉崇法院旁謝臯羽過而題句者相傳

院中多舒王與會老往來墨跡戴教授帥初詩所云驚風急  
雨舒王字是也先侍郎少女許嫁屠侍郎子本峻未笄而卒  
附葬于檢討公墓啓土得一石則舒王志因掩之而稍移于  
北噫是一塊土者世爲殤女之壙耶先侍郎曾有文記之今  
失去乃補之集中結埼亭  
集外編

登崇法寺岡看荷

四明東洞天勢如驚浪出桓溪與桃源雙流日汨汨直抵鄞  
城南地肺于焉集山河分兩戒到頭還同穴醞爲土脉膏墳  
埴高突兀崛起斯益奇孤峙使莫埒其巔有蕭寺梵火互明  
滅登高望四圍荷香倍瑟瑟雖無如船藕襟袖已清絕獨憐

四明談助

卷三十

十

會老房好景早滅没何處舒王書龍蛇失飄忽見剡  
源集

臨鄞女墓

半山辭墓日哀咏淚沾衣更有穿中柱曾埋皇子妃見臯  
羽集此地亦良怪女郎長所依先侍郎女  
墓在焉至今風月夜陰霧總霏微

謝臯羽寓崇法寺

宋謝臯羽爲文丞相客宋亡後隱遯有高節曾寓崇法寺  
宋參軍謝翱傳

謝翱字臯羽福建長溪人宋咸淳初試進士不第慨然求諸  
古以文章名家元兵取宋宋文丞相天祥亡走江上逾海至  
閩檄州郡大舉勤王之師臯羽傾家貲率鄉兵數百人赴難  
遂參軍事文相轉戰閩廣至潮陽被執臯羽匿民間流離久

之間行抵勾越又去而之越之南鄙依浦陽江方鳳時永嘉  
吳思齊亦依鳳居三人無變志臯羽嘗上會稽循山左右窺  
祐思諸陵西走吳會東入鄞過蛟門臨大海所至歆歔流涕  
晚愛睦州山水浮七里瀨登嚴光釣臺北向舉酒以竹如意  
擊石而歌歌已失聲哭人莫詰其誰何惟鳳與思齊深悲之  
初江端友呂居仁朱翊避地白雲源源故方干所居在釣臺  
之南臯羽率其徒遊焉願卽此爲葬地作許劍錄每慕屈平  
托興遠遊自號晞髮子及臯羽居錢塘以肺疾作而死年四  
十七瀕死屬其妻劉曰我死必以骨歸方鳳葬我許劍之地  
鳳聞訃訖如其言其論著之文有晞髮集其詞隱其旨微大  
要類其行事是時元始有天下士大夫于宋事多諱言之鄞

四明談助

卷三十

十一

江任士林稱翽善哭如唐衢豈其情哉豈其情哉

明初胡翰撰

附謝晞髮寓鄞詩

勾章見月食

穀州見月如魚口沫聚痕消暗窻牖鄞城見月如破臼棄藥  
含垢掛南斗龍蛇伏氣諸腦室水中睡失羣陰母其間海禽  
獨夜啼黑雲赴海同奔犀市人識母不識父擊柝摧扉救月  
死况值蕤賓月十五干神附壬支在子孤子哀吟離楚尾泪  
落荒江弔南紀猶憶秦淮哭日年不敢仰視看盆水

逃暑崇法寺

城南古寺涼生處艸色遙連孝子墓碁局雨生苔蘚文袈裟  
晴掛芭蕉樹自昔闍黎修白業會公唯與舒王接只今塵土

影堂空石上猶鐫麻紙帖

### 鄞女墓

網草新垂月中露青禽夜宿菱塘階寺西幽修雲覆土知葬  
舒王下殤女百年光塵事事新皇子夫人墓作隣民間厭勝  
祈新鬼釋鬼久隨風雨陳去來似爾勿復道白下鍾山夢中  
老

### 董母墓

淑德夫人董母墓在長春門外二里許孝子自勾章反葬于  
鄮者此也而孝子墓實附側焉董氏家乘載孝子墓介鄞慈  
之黃楊畧者誤聞志墓旁有孝子廟

### 萬季野竹枝詞

## 四明談助 卷三十

十二

南郭巍然孝子祠千年古木更添姿東頭卽是慈親冢稍慰

晨昏雨露思

句餘土音城南古蹟

### 拜董徵君墓

郊行再拜徵君墓埏道長懷季海碑妙墨已隨灰劫盡寒泉  
猶瀉墓廬悲望雲不隔慈湖水考異誰來楚客疑湖廣亦有董孝子同  
名同時見寶刻叢編密邇先塋餘丙舍年年瞻拜酌新醪先檢討丙舍在焉

董小鈍注純按徐浩碑在廟不在墓而湖廣之孝子乃晉  
人先生作孝子墓柱記已引輿地碑目書其事又辨徐碑  
不在墓而此又云爾豈其時尚未見碑自及崔太守碑耶  
抑或一時悞及之歟

馬園

相傳史彌遠園或云方國珍在此養馬

敬止錄

城西豐清敏公宅

在董墓東北隔一小河地名馬園武陵桃源諸水由西塘河進城滙爲月湖其正脉隨水東北行由北郭堰進城融結爲城北小山結爲府山桃源諸水之支港亦東行至此故水木明瑟爲一方之勝清敏公自尚書致仕歸由小溪鎮之蕙江徙居于此後又別建第于月湖嘉定間月湖丈尺圖云豐尚書宅凹處至觀音橋五十六丈八尺約在今東岸歡喜庵之南時稱西湖豐氏明時學士熙復建第于城西故址人稱豐榜眼宅又別有第在虹橋巷

四明談助

卷三十

十三

宋甬上族望表西湖豐氏本自馬湖來清敏公始居西湖其別業則在城西豐氏官位于四姓稍次而人物獨巨清敏公第一公子安常第二揚州監倉治之死節第三吏部誼之儒學第四制使有俊之理學氣節第五太平判存芳之死節第六共六望其入明後表載學士熙一望湖語注云宋時大坂田爲豐氏物蓋其宅適在靈順宮之北鄞獻表云馬園豐氏在宋有進士七人明時進士四人貢士一人禮部尚書豐清敏公稷

字相之受業于鄞江王先生正議樓公之門登嘉祐四年進士初任襄州穀城令以廉明稱元豐元年從安燾使高麗海中大風折檣舟幾覆公獨神色自若知封邱縣神宗

召對問卿昔在海中遭風波何以不畏對曰巨浸連天風濤固其常耳憑仗威靈尚何畏帝悅哲宗時爲殿中侍御史上疏論時事徽宗立入對極論蔡京奸狀既而又論京卞兄弟同惡擊之不已京遂去翰林時宦官漸盛公懷唐書仇士良傳讀于帝前讀數行帝曰已諭公爲若不聞者讀畢乃止尋陞禮部尚書帝將大用之而曾布蔡京互修故怨貶置台州徙建州稍復朝請郎卒年七十有五建炎中追復學士諡曰清敏王深寧七觀以古之遺直稱焉詳聞

志

子安常元豐五年進士從孫至紹興十二年進士

事闕無考

孫治監揚州建炎三年死于金人之難其子誼甫三歲棄道旁見者憐而養之其後高宗特賜褒恤湖語注本于始興志誼官

四明談助

卷三十

十四

吏部侍郎其弟謨爲定城令皆不愧古名臣湖語所謂宜之侃侃難進易退含香對命百僚所畏更有定城一官慈惠古之循吏真不愧也

曾南豐送豐學士歸里詩

桃花染破南山青漢江此時春水生客舟相語人夜起動櫓亂江羣雁聲此君飄泊動歸思告我舉裝千里行閱材壯思風雨發綠髻少年冰雪清讀書一見若經誦下筆千言能立成精微自得有天質操行秀出存鄉評嗟從薄祿困流滯能誘鄙俗消紛爭弦歌躬勸士強學田里堵安人力耕嗟予據案但畫諾遇事縮手方蒙成雖知璞玉難強獻欲掛塵榻空俗情歲寒不變乃知確物理先否終當亨

維舟且盡今夕話明日帆隨白鳥輕

勾餘土音甬上琴操

豐吏部望揚州操

詩話豐清敏公之孫治殉難揚州事定後高宗官其子  
誼誼當父死時三歲棄道旁後爲名儒

六龍南飛兮棄我蜀岡居民攘攘兮唱誅汪黃蜀岡弛戰  
兮戎脩久荒况先子兮勵官監倉爲國死官兮不去不降  
我乃元祐黨人之孫兮姓氏堂堂死見司馬公兮契家之  
光嗟孤兒兮擲道旁泣呱呱兮幸脫劍鏑孤兒有成兮非  
所望望揚州兮雲茫茫

豐吏部有俊

四明談助

卷三十

十五

字宅之清敏公四世孫吏部誼之子登紹熙元年進士歷  
官吏部郎中沈端憲煥其妹壻也因與陸象山淵遊其與

象山講學問答最多官南昌通判時歲大疫親歷衢巷撫  
視給醫藥創立東山書院造士之法甚脩知建昌軍設義  
倉以濟民擢淮南安撫使持節淮上力排和議知揚州金  
人南侵力戰却之改守鎮江卒千官僚屬賻之得歸葬袁

齋集及湖語注

吏部少時遊錢唐偶登青樓見一少妓疑其貌似

故人女累目之酒罷女入曰豐官人識妾否詰之果故人  
女吏部曰汝且退臨安尹王佐夙有契明日以白尹且云  
某僅有錢八千從公更貸錢以贖尹嘉其義卽取入府厚  
奩具擇良士嫁焉行營雜錄湖語云槐堂高弟尚有吏部累掌

大藩思恢國祚身後蕭然更憐貞素區區孤女之嫁其餘唾也 子雲昭官廣西經畧雲昭子稔稔子昌傳並以學行爲時師表雲昭羣從芑嘉定癸未進士芑弟茵紹定己丑進士皆有名

結埼亭集

全謝山跋豐吏部宅之傳畧四明諸志俱不爲豐吏部立傳祇上虞志有之然不能具其顛末按劉後村哭吏部詩曰江表依公稍自強訃聞朝野共淒涼燾移北府兵皆散笻返西州宅已荒又曰康時才業未全伸晚建油幢白髮新畚土爲城塵滿面握拳猶戰膽通身則吏部由京朝官出守藩時蓋開禧嘉定之間江淮方有兵事而吏部蓋有功績者也其夢吏部詩曰老猶奮筆排和議病尚登埤募敗兵天奪偉人關氣數時無好漢共功名又曰朝給賻錢方掩骨家無餘帛可爲衾然則吏部之義壯矣其廉又可知也他日當博訪其事附之宋史

殉難通判豐使君存芳

字公茂清敏公五世孫官太平州通判景炎元年二月元兵至知州孟知縉將以城降使君力爭不得詈之孟知州遂引元兵屠其家同死者十八人有卒方義匿其八歲兒禮育于民間傳至曾孫淳甫明洪武中以賢良薦官監察御史

聞志

湖語所稱德祐孤忠厥惟太平一門蹈難不愧世卿卽豐使君存芳也孟知縉元史作孟之縉

教諭豐復齋先生寅初

字復初號復齋布政慶之父博學篤行隱居自好洪武十七年徵爲國子司業後上書諫觀燈謫江西德化教諭以身廸人建文壬午成祖入金陵遂棄官躬耕卒年百五歲

志聞

### 布政使豐公慶

字文慶宋學士稷之十二世孫也正統己未進士授兵科給事中諫景帝南城及易儲事言甚凱切乃繫詔獄英廟復辟歷陞河南布政使廉聲大著會奉表入賀墜馬傷足乞致仕有簡庵集豐氏園居十咏詩子耘字用勤號西園居士以禮律身雖造次無少渝官湖口縣學訓導乞終養

歸以子熙貴贈奉直大夫右春坊諭德

詳聞志

### 四明談助

#### 卷三十

十七

萬季野咏史詩

#### 銀蠟燭

成化中吾鄉豐公慶爲河南布政使有縣令以蠟燭餽公不視付吏藏之及夜取燃則銀也公密呼令還之亦不揭其私

高高銀蠟燭可燃不可燃縣令雖巧計長官不愛錢廉不近名古來鮮豐公還燭意誠善但使吾心清若水何人暴揚他人短寄語後來縣令知慎勿好行暮夜私此間自有楊伯起莫言大吏無男兒

豐布政慶世居鄞宋清敏公稷之後也高祖庚六徙居奉化曾祖茂四徙居定海父寅初爲九江德化教諭卒于正

統間公扶柩自定還鄞將合葬于祖塋訪遺墓故址無知者僑寓無聊有語公者曰大卿橋南廢紫清觀地實城西之勝盍圖之道遇卜者得豐之革公喜曰卦符吾姓意者地必吾所有乎繼而得袁學士所撰郡志云紫清觀去縣西三里豐清敏故園也公益喜傾意請復又得觀之砧基舊簿于鄉人脩載圃地三十餘畝爲其隣所侵尋皆倍直贖之既而先墓前石翁仲等皆以次而復因家焉公念自作園居十咏以志喜貽後云

水東日記

禮部侍郎豐白庵先生熙

四明談助

卷三十

十八

人爲的讓第一等事于人卽非夫也弱冠舉于鄉宏治己未廷對第二由翰林編修遷侍講嘉靖改元進學士三年上主張璉之說欲考興獻帝舉朝爭之不得公與同里翰林王公相陸公鉞等招舉朝大小諸臣二百餘人同跪文華門外哭諫聲聞大內上大怒命繫爲首者八人次日拷訊俱以公爲舉首謫戍鎮海衛公在戍唯杜門著書絕口不言時事凡十三年竟卒于戍所著一齋白菴二集

詳甬

上耆舊傳

豐學士畫像記

節鮚埼亭集

甬上學統肇開于慶歷五先生時則豐清敏公受業于正議樓公而桃源之友也再盛于淳熙四先生時則豐制使

宅之于楊袁雖稍晚出而同講學于朱陸之間者也及明嘉靖中張文定公論學頗矯新建增城之偏時則豐學士公其同心也世知甬上四大姓重圭累袞豐氏與其一而不知三百年之學統綿綿延延豐氏必叅其間嗚呼盛矣學士之宗旨以居敬爲要故其別署曰一齋殆有見于後來儒者之必趨於狂禪而思所以障之歟議禮一案司馬公程子之論亦不盡足以折歐陽氏然學士諸君不欲負孝宗則固司馬公程子之心也永嘉輩借此以倖進則固非歐陽之比也豐氏之子孫微矣予少時過紫清觀猶及見學士之像今亡矣夫忽見之胡京兆鹿亭齋中特記之

豐人翁坊

四明談助

卷三十

十九

初名坊字存禮坐法竄吳中更名道生字人翁以書法名人稱豐考功亦稱南禺外史人翁少負異才中嘉靖癸未進士授吏部主事值世廟議崇興獻禮人翁與父學士熙同哭諫受杖闕下改南考功主事坐事謫同知通州罷歸學士既没成所人翁復言其父前諫大禮非出本意因走京師上書請崇獻皇宜稱宗祀太廟相嵩主其議上從之然人翁竟不得錄用歸益自誕放晚年卒于僧舍耆舊人傳翁家有萬卷樓所藏書畫金石刻甚富燬於火其臨摹能

奪真

聞志

豐人翁著述書目

古易世學十五卷

易辨一卷

古書世學六卷

魯詩

世學三十六卷 春秋世學三十八卷 石經大學二卷

筆訣一册 南禺集二卷

豐南禺逸事

南雷文定

知白居易徐時進書坊逸事暇時另爲一通以發喁矇坊五歲時董侍御問以所讀書曰大學序誦至淳熙五年故漏熙字侍御問之曰此大人名也由是長者故奇之當其讀書注目而視瞳子嘗度眶外半寸人有出其左右不知也自考功遷謫失職而歸遂目空今古滑稽玩世徜徉自恣而已有方仕者從坊遊學其書法假坊名以行世坊知之恨甚曰須決其眼始不能作僞耳以是語舍中兒皆曰諾久之舍中兒捧一物至曰此方仕之眼睛也吾等夜俟

四明談助

卷三十

二十

之荒郊決之以來耳坊大喜厚勞之再日而方仕至舍中兒告之故令勿入入則吾等欺敗矣仕曰無傷也坊見仕大駭曰聞君遇盜傷眼今如故何也仕曰曩者夜行盜決吾眼以去方悶絕間叢祠有鬼哀吾取新死人眼納吾眶中今雖如故猶痛楚耳坊亦信之置酒賀其再生每年必召黃冠設醮以驅蚤蝨客至則問之自吾醮後覺蚤蝨減否客曰尤甚吾方怪之豈知公家蚤蝨驅而之吾舍乎坊乃大喜龐侍御求書餽金三十坊曰吾正需此卽設醮三壇一滅倭寇二滅僞禪僞學三滅蛇虎蚤蝨聞者莫不大笑而坊匍匐祈請出于至誠性鄙人口道錢物侍者故靳之謂梅雨須暴藏金坊曰諾畢暴而數之亡一笏以責侍

者侍者再竊一笏坊再數之曰是矣蓋但論其奇偶也時進之所傳如此

徐知白啜墨亭集記中又云郡東門皮賈王姓家累千金頗知書事人翁獨謹時有餉久之無他請公曰他何爲者舍中兒具言所願似欲從公乞一號手書題之公大矐立索管書闌坡二字只坡字挑土直尖稍壯似有橫畫一書生見之云此東門王皮也其人更喜曰吾處此城中猶蟻蝨之細者也乃公以東門予我廣矣大矣且皮何害吾方貯此五穀者俟百里奚矣亟修厚贄謁于公舍中兒具言狀公大驚曰此人安得此言是有道術而匿于塵肆者也可以爲吾師矣延之坐上坐其人遜謝趨出里中人又謂公始終玩之股掌間余記此并王皮可異也

四明談助

卷三十

二十一

王元美評詩謂豐道生如沙苑馬駑駿相半恣情馳騁中多敗蹶又云道生如骨董肆眞贗雜陳時亦見寶而不堪

儂詐

藝苑  
卮言

豐南禺自上書請追崇興獻王入太廟永陵用其言而不錄其人也歸益狂誕恃才傲物作僞欺人撰子貢詩傳申培詩說魯詩世學古書世學石經大學竄易經文別裁異議一時若泰和鄭氏京山李氏澄海唐氏多惑之而不知

本邪說也

靜志居  
討話

全謝山跋豐考功札云考功與周中丞莓厓言其子瑩有萬夫之勇又極言其不孝考功有愧于學士故其子亦多

忤耳然嘗見鑿詩又頗蘊藉不似勇夫何也

結埼亭集

### 豐越人先生正元

先生自號天放野人考功之孫也與弟吉甫友善分衣讓產卽自處于匱不顧也性嗜學工詩寄情蕭散興到索筆直書破窻頽垣俱滿客時過從至無從覓巾襪所深知惟沈嘉則楊伯翼李賓父數先生性不喜交輦上人以詩應酬曰詩以道性情豈爲汝輩行乞耶其高懷似陶公而少閑情一賦所著天放野人集四卷

詳者舊傳

弟吉甫名應元著有鳴臯集與兄正元齊名時稱爲二豐

錢志

### 豐知府建

字基仲考功坊之曾孫也天啓五年進士歷官知建昌府

## 四明談助

### 卷三十

二十二

者舊傳

紫清觀久廢今僅存建昌祠一間

### 豐氏萬卷樓

豐氏爲清敏公之裔吾鄉南宋四姓之一而名德以豐爲最萬卷樓之儲實自元祐以來啓之自清敏以至吏部父子吏部以後遷居紹興其後至庚六遷居奉化庚子茂四遷居定海茂孫寅初明建文中官教諭寅初子慶睠念先疇欲歸葬父于鄞而歲久其祖塋無知者旁皇甬上訪得其處盡清出之遂葬其親而以其餘治宅

事詳崑山葉文莊公水東日記

子是元祐以來之圖書由甬上而紹興而奉化而定海者復歸甬上慶官河南布政慶子耘官教授耘子熙官學士卽以諫大禮拜杖遣戍者也豐氏自清敏後代有聞人故

其聚書之多亦莫與比迨熙子道生晚得心疾潦倒于書  
淫墨癖之中喪失其家殆盡而樓之書凡宋槧與爲本爲  
門生輩竊去者幾十之六其後又遭大火所存無幾盡歸  
于范侍郎天一閣雖未能復豐氏之舊然亦雄視浙東焉  
初道生自以家有儲書故謬作河圖石本魯詩石本大學  
石本則以爲清敏得之秘府謬作朝鮮尚書日本尚書則  
以爲慶得之譯館貽笑儒林欺罔後學皆此數萬卷書爲  
之厲也然則讀書而不善反不如事己守陋之徒尚可帖  
然相安于無事吾每登是閣披覽之餘不禁重有感也

錄節

結埼亭集天一閣藏書記

黃南山豐氏園居十咏詩序

四明談助

卷三十

二十三

豐清敏公十二世孫慶侍先公宦遊九江登進士職黃門  
丁內艱還四明卽清敏公舊遊之地築堂闢圃作十景以  
述先志及陟河南方伯詳著十景所自求海內名公文士  
播咏之集成命嗣子耘請序予憶永樂初翰林諸公聯賦  
金臺八景予嘗綴韻就正于庶子鄒公緝正統中予官湖  
南與侍郎王公一寧過洞庭公曰瀟湘好八景恨無好詩  
予時亦嘗勉答公意蓋天下好事者卽景爲目詩咏固多  
未有若金臺瀟湘之景名著古今茲觀豐氏十景本源清  
敏一人歌咏溢乎四海當與金臺瀟湘光耀後先故予不  
以鄙耄辭而叙論如此

萬卷樓舊藏賀監書

豐氏萬卷樓向藏唐賀秘監書千字

文章草孝經龍瑞宮記樓燬三帖無傳聞志

唐劉禹錫題賀監草書詩

高樓賀監昔曾登壁上筆跡龍蛇騰中國書流尚皇象北朝文字重徐陵偶因特見空驚目恨不同時便服膺惟恐

塵埃轉磨滅再三珍重矚山僧此詩載聞志

### 紫清觀蓮花塘

結埼亭集記畧宋尚書豐清敏公之故居在桓溪既貴後在月湖而其園在城西清敏身後築紫清觀以奉祀元時豐氏他徙其地爲人所侵布政于明正統中自定海歸鄞失其故居卜之得豐之革喜其與姓符次日訪得紫清觀于城西遂復先業其事甚奇歷傳學士考功父子中興甚

## 四明談助

### 卷三十

二十四

盛考功晚年以放蕩廢家日落其後建昌雖以甲第繼之弗能振于是豐氏遂衰而紫清觀不可問矣觀本附郭繞觀三里皆曲塘妙蓮彌漫水中甲于四明蓋猶豐氏之物也嗚呼人心畏暑水面搖風清敏所以折巨奸者以咏蓮之詩著則是蓮也關乎元祐黨人之逸事蓋比之指佞之草而清敏又嘗領鄉郡黃僉事楊教授皆以清敏嘗知明州然當是領鄉郡是卽其甘棠也七百年以來光景長新過斯塘者宛然巖巖諤諤之風裁園雖亡其人如在焉清敏之後爲吾鄉四姓之渠名德接踵監倉太平二公之忠節吏部父子之講學定城之吏治至有明而爲布政學士二公之直諫俱不愧于花之君子清敏之澤遠矣今豐氏之子孫蕭寥衰替蓋亦極

盛之後難繼歟荒郊斜日遊人增感然而清敏之蓮非僅其子孫之所當護惜者也

勾餘土音泛舟城南詩

西行至豐清敏公紫清觀下看荷

十字荷花句就千林莠艸魂銷試看炎威如許依然風格孤高 詩注卽用清敏人心正畏暑水面獨搖風之句蔡京見而縮舌者也見宋史

再世朔南大節累傳朱陸醇儒我愛紫清世界芳香長映芙蕖 詩注謂監倉殉建炎之難于江都通守殉德祐之難于太平也吏部父子講學于朱陸之間均爲醇儒筮易得豐之革傳家自宋而明惆悵故園十咏荷花又屬

四明談助

卷三十

二十五

荒儉 詩注布政自九江歸重訪得紫清先業見水東日記

范處士歸棹賞荷

結埼亭集文范處士培園居鄞之城南以貧故業于醫里中耆宿與培園同甲子者前翰林蓼厓蔣先生陳丈南臯前磁州牧萬君西郭皆與培園厚歲在己未予爲蓼厓先生稱七十慶約同人集紫清觀下看荷時西郭已逝培園遊山左南臯在昌國先生于席上睠懷齊年正屈指興存歿之感忽有一舟自塘外過遙睇之則培園之歸棹也予急呼之留與共飲培園忘其自遠道來留連竟日其諸子聞之絡繹而至培園麾之使去其雅懷若此

老龍灣

西城外濠河中有沙橫亘稍旱舟楫不通爲錫山龍脉入城  
處詳慶雲樓記

敬止錄

脩園

在老龍灣西楊伯翼建

敬止錄

聞蕊泉全謝山二公俱云脩園

在王家墩楊氏舍外今以伯翼詩證之實在南郊

附伯翼詩

脩園新構茅亭

茅亭屬清池朝日散澄碧秋風一蕭颯落葉紛廣陌圓荷漸  
破碎鳧雁空愛惜陂柳條尚青塞草淒已白寓目無留光壯  
心坐摧息烟霜野林綠端坐望疆場

四明談助

卷三十

二十六

脩園種梅已着花喜寄友人

手種寒梅樹開花已自多定知江上雪來和郢中歌對此情  
空劇相看老奈何百年邱壑客清影正婆娑

脩園觀刈稻

衡門蕉葉綠寒照滿空牆竹裏歸人至茅窻野飯香望深農  
力竭愁極老懷傷哀苦君王詔除租惠甚長  
社鼓空蕭瑟田神半野蒿古碑荒蘚斷虛殿朔風號晚世常  
多事危心久鬱陶窮村頗寥落白杵動林臯

郊居寄慧上人

樊圃荒城外涼風五柳斜蟲聲迷鶴柵秋色老漁家露下青  
荷葉寒生白荳花金山夜渡客相憶踏平沙

至脩園

歸來三徑轉萋萋竹粉藤梢刺眼低忽有菰蒲堪進艇不分  
桃李漸成蹊青臨海嶠千峯合綠滿江城萬樹齊盡日捲簾  
流水曲教人空詫武陵溪

城南袁氏

在董墓東與馬園僅隔一河自正獻公徙于鑿橋故戴九靈  
稱絜齋蒙齋二先生爲鑿橋袁氏今以正獻公以上諸傳列  
于此以下列于鑿橋第

甬上族望表城南袁氏光祿大夫穀正議樓公之高弟也一  
望正獻之父文著書曰甕牖閒評者也二望正獻第三正獻  
之仲子江州肅第四正肅第五少子閣學商第六正肅之孫

四明談助

卷三十

二十七

鹿昭山人哀第七共七望

贈光祿大夫袁公穀

公字容直一字公濟王鄞江先生門人也舉進士一試于  
開封兩試于鄉皆第一嘉祐六年中第博貫羣書擅名詞  
藻歷舉邵武軍條鹽法利害以便民奏減其課人德而祠  
之通判杭州其爲開封舉首也蘓長公軾實爲之亞及貳  
郡而長公爲守相得益驩唱酬篇什甚富移知處州終朝  
奉大夫卒贈光祿大夫

寶慶志

蘇東坡昔守臨安余曾祖作倅一日同往一山寺祈雨東  
坡云吾二人賦詩以雨速來者爲勝不然罰一飯會于是  
東坡云一爐香對紫宮起萬點雨隨青蓋歸余曾祖則曰

白日清天沛然下皂蓋青旗猶未歸東坡視之云我不如爾速于是罰一飯會

甕牖  
間評

### 袁泗州灼

字子烈贈光祿大夫穀之子元祐六年進士爲光祿丞軍器少監出知婺州有武臣曹宗者時相蔡京姻黨也爲害鄉曲公械之于獄死焉坐是貶秩後起知隨州宣和末召爲倉部郎面對力勸帝清心省事安不忘危言甚切直黜知泗州終朝議大夫

寶慶  
志

### 袁贈公垆

字鄉遠右朝議大夫尚書倉部郎中灼之子服膺儒業充養德性侍倉部守婺及隨寒士有來謁者必訪其所寓以

## 四明談助

### 卷三十

二十八

私錢給之時時造食物以惠貧民或捐錢與之前後所濟無筭倉部澤及一子法當公補授弟增欲之公終不自取老于韋布一惡少年無端肆罵衆不能平請訴于官撻之以懲後公不許曰罵我如罵風然撻之亦如撻風然罵我于我無損撻彼于我復何益不如己之每事舒緩獨于教子甚急隆于師範禮敬甚備伺其顏色欣喜則以自慰師感其誠爲之盡力二子亦不敢怠爲學日進居恒不治產業矮屋數椽而雍容自若身世兩忘負販者入門問價若干如其言畀之不減一錢其黨類相戒以實告皆曰今之古人也以次子章由進士通判常德府贈公朝奉郎

繫齋  
集墓

表

甕牖閒評述先世事

先祖母石氏一日忽苦臂疼是時先祖知隨州請醫命藥無所不至其臂疼日甚先父于是發心修佛凡一城之內佛像有手足不完者皆修之所費極不貲工未畢而臂疾頓除嗟夫非至誠而能若是乎孟子曰不誠未有能動者也惟先父一念至誠遂能上動神明而報應之速如此則天下之事其有可以不誠者耶

先父暮年多病他無所冀獨責望余兄弟兩人不淺觀其賦紅梅花詩云雖云誤失風霜操不替調羹爲子賢概可見矣吾家自建炎來稍衰先父思有大門庭則惟以教子爲急擇得一劉先生名宏字彥博命余兄弟師之自入

學後未嘗三日無饋遺敬禮倍至余不肖不足承先志稍幸舍弟成名從官二十年得改秩榮封叙時先父捐館已久鄉人皆太息知其至誠之所感也余雖無所成就而舍弟及第二子所以相繼科名其他諸子亦有預薦名者可不知所本歟故敬書之俾後世子孫知先父用心如此又知有子不可不教而待先生之禮尤不可不忠且敬也

袁贈公文

字質甫正獻公燮之父贈通議大夫所居小齋曰臥雪自號爲逸叟有園數畝日涉成趣著名賢碎事甕牖閒評子燮表墓曰先公幼喜讀書不汲汲于科名而惟務勤學于前輩諸公一言一行萃而爲書目之曰名賢碎事手鈔三

十巨帙無一字不楷雜著一編名曰甕牖閒評搜抉隱微  
辨正訛謬雜然具載尤詳且確採集凡天文地理人事以  
及詩文書畫衣食器用釋道方技物產神怪無不畢具共  
三十六卷持論皆有根據四庫全書簡明目錄今聚珍板所印書僅  
有八卷

絜齋集墓表後段云初光祿公謂袁穀秋試開封實爲首選  
而東坡蘓公第二後通守錢唐蘇公作牧相得懽甚介亭  
和篇有曰秋風起鴻鵠我亦繼華躅識前事也而注家以  
爲同試館職實無是事蓋益之爾公既修乃祖之業而又  
忻慕蘓公之爲人諷誦其言語依倣其字畫曰此吾生平  
所深愛至老而不衰者襟懷灑落有前輩風于是可占矣

四明談助

卷三十

三十

袁通判章

字叔平倉部灼之孫贈朝奉郎垆之次子朝奉志尚高潔  
淡于榮利惟教子是急劉先生彥博模範一鄉俾公受業  
日伺顏色唯恐不當其意未有室家爲之聘娶餉遺無虛  
日公承親意愈自刻苦既冠志氣彌強入太學屢試高等  
自秦丞相柄朝諱言程氏學士以雕琢靡麗相尚公介于  
其間持之不變退而授徒于鄉以所學淑後進年幾五十  
始登乾道五年進士歷任教授轉奉議郎通判常德府遂  
致仕轉承議郎慶元五年卒于家年八十詳絜齋集墓表

袁貢士覺

鄉貢進士覺贈通議大夫文之長子篤學守正後學多從

之游與父偕抱病病且革聞父歿不勝悲痛質明而歿

附見

繫齋集逸  
叟行狀

通議五子長覺鄉貢進士次燮煥章閣學士提

舉南京鴻慶宮次藻次未名而天次樞饒州樂平縣丞

逸叟

墓表著有袁氏家塾讀書記二十三卷見書錄解題大畧倣

呂氏讀詩記集諸說或述己意于後

錢志

### 袁學士書塾

城南二里許袁正獻公燮教授子弟及四方學者

聞志

袁伯長

跋進修堂往還尺牘云始曾大父越公韶從正獻公燮時諸生從者數百人公教不及諸子母夫人戴氏手摹顏魯公大字以教諸生宗盟之好實夫人啓其議故越公少年作字亦習此體後伯祖通判大父嚴州尤相與摹學進修堂書體袁

### 四明談助

#### 卷三十

三十一

跋中所謂進修堂卽此塾也

### 又南袁氏

九靈山房集稱南袁氏有清容先生諡文清者以奧學雄文爲世所宗師時因清容之先與正獻之先同居城南故亦稱南袁氏後徙南湖故族望表稱南湖袁氏今以清容以上諸傳列于此以下列于南湖學士橋第

甬上族望表南湖袁氏本與城南之袁同出至越公韶始大惜其受業于正獻而不自脫于鄉袞不列于望以清容之文章爲一望

### 贈太師衛國公袁昇

公初爲郡吏給事通判廳勤謹無失郡有不軌大獄命卽

其家搜驗得僞署籍姓名一千餘人皆六邑大家不以送官立焚焉夫妻年近五十無子其妻貲之往臨安置妾既得妾察之有憂色且以麻束髮外以綵飾之問之泣曰妾故趙知府女也家四川父歿家貧鬻妾以爲歸葬計耳卽送還之其母泣曰計女聘財猶未足以給歸費且用破矣將何以償君公徐曰賤吏不敢辱娘子聘財盡以相奉聞其家尚不給盡以囊中貲與之遂獨歸妻問其故曰無子命也命若有子汝豈不育必待他人婦哉妻亦喜曰君設心如此行當有子矣明年生子詔後累贈太師衛國公

宋史

本傳

### 太師越國公袁詔

## 四明談助

### 卷三十

三十二

公字彥淳少受學于正獻公登淳熙十三年進士由吳江丞改知桐廬縣永嘉中歷陞臨安府尹幾十年理訟清簡道不拾遺里巷爭呼爲佛子紹定元年拜參知政事李全叛揚州告急史相彌遠懲韓侂胄用兵事不欲聲討公暮謁史相言揚若失守則京口不可保淮將如卞整崔福皆可用適福至公夜與同見史相言福實可用史相從之遂討全端平初奉祠卒年七十有七累贈太師越國公

詳聞志

### 袁尚書似道

字子淵越公詔之子淳祐七年通判嘉興兼尚書省提領田事所檢閱時提領戶部財用史宅之悉括諸司田阿媚奉上具籍百餘萬用戶部印入御府而以副帙置三省似

道愀然曰吾不可復治乞歸未幾宅之死始悔罷而副帙  
在三省者國亡散落民間言利大臣深信之卒爲東南害  
十一年知嚴州寶祐二年提舉台州崇道觀積官至朝散

大夫

清容居士集

袁處州洪

字季源越公韶之孫也七歲通春秋年十七以大父恩例  
補官通判臨安遷太社令時賈相不樂四明人與同郡士  
六十餘人坐廢家居講學起通判建康元兵南下帥趙潛  
出督兵江上城中大駭夜縱火剽掠出郭去公密捕首亂  
者數人斬之乃安諸將益桀傲公請較射出私帑具賞先  
發三矢三中衆大驚服潛遁諸將釋兵歸公微服詣行在

四明談助

卷三十

三十三

所宋亡諸無賴搆陷衣冠陳允平在陷中公儒服入白曰  
人情未安不絕告訐非所以示綏懷也乃釋允平至元十  
五年入覲授同知邵武路事改溫州並以疾辭二十七年  
侍御史程鉅夫奉詔求江南賢士以洪應復辟不起大德  
二年改處州命下卒以子桷覃恩贈中奉大夫

延祐志

乙未冬臨安降元謝太后許諭東浙諸郡皆如命降時入  
南軍道上虞餘姚焚掠以行聲言留軍慶元脩禦及至縱  
火焚浮橋劫江澣城以有脩不得入舟出定海以行人心  
危疑奸民逞志于衣冠爭上變舊家陳允平素與王姓讐  
因言新從福州航海來見允平貽書蘓都統約以九月乘  
帆下慶元當出兵以迎又言禮部尚書高衡孫而下三十

餘皆聯署勸進時張元督師將征南命招討使王世強圍捕鞠實袁桷父袁洪與趙孟傳善時孟傳守郡降元爲宣撫參議時改制置司爲宣撫司力爲解之且言安反側定新國當先絕告訐羅織事得解時又有告者言奉化昌國某大家以故王爲名一從台州黃巖來一從海上來亦得不行敬止錄結埼亭集跋袁處州狀先叙是事後云嗚呼順治戊子己丑之禍如一轍也而衣冠之禍更慘已

### 袁氏南園

宋咸淳間袁尚書似道于寺左營南園曲廊修檻臺榭共十五區而清容學士修復南園其芳思亭羅木堂皆有詩結埼亭外集所云寺左崇法寺也

### 四明談助

#### 卷三十

三十四

### 袁越公爲堂貯書

清容集云越公舉進士時貧不能得書多手抄強記至用母夫人魚魴冠學書後官中都凡二十有五年乃務置書以償宿志其世所未有則從中秘書及故家傳錄以歸于是書始備矣紹定辛卯公自宥府歸里遂累土爲堂貯所得書于東西榮公日處其中客至不復道世事顧嗜陳黃詩擇其適意者手書爲編寓物咏歌休休焉不知其年之將耄如是者七年而薨

### 芳思亭

#### 袁清容詩 并序

大父尚書公治圃南郊有堂亭凡十五方池修廊屈折便

宜雨甚亦無礙遊事逮今荒廢踰四十年故基陳迹不可復攷近築一亭雜植花木廣不踰畝彷彿其萬一名之曰芳思玩其英華將以紬繹志興翰墨有紹是則先公之志作詩示瓘瑾并求親友同賦

侃侃尚書公投紱理泉石五堂適寒暑十亭送昕夕瓊英元圃秀美蔭嘉樹碧修廊不受雨來往隨履舄紅雲漲方塘丹霞耀翠席嘉魚黃金掌瞥見眇莫測辛勤三十年深逝晦朝迹遺訓示子孫樹藝比其德浮雲變須臾百幻倏消蝕空餘鄭公莊耕稼給衣食緬彼行樂時衆植各有職以茲一畝園髣像見疇昔幽葩與羣卉生意日不息朝陽漱靈根三咽妙紬繹曠懷事幽賞誓矣躬六籍

四明談助

卷三十

三十五

羅木堂

勾餘土音城南古蹟

經袁文清公羅木堂址

詩話卽所謂靜寄道院者也城南之園豐袁二家爲最而今皆成荒塚

尚書靜寄十五區再傳學士新堂構堂本文清大父尚書園也亭榭一十五區想

在開平扈從時夢斷家園好巖岫攻媿不作深寧死甬江作者疎領袖先朝文獻貯滿胸剡源梅磻迭指授回翔翰苑凡八至花磚長自推耆舊更愛翩翩四聲語能以文雄兼詩瘦

文清古詩尤工晚歲歸來作散仙羅木蕭疎助文囿興酣落筆搖清風髣髴芳思藹春晝芳思亭在堂右年來粉社文運衰一若荒園蔓

艸茂爲理空階書帶叢阿誰後死能無疚新河之水綠盈盈  
定爲斯園重振秀

吳丞相開新河言後此當有文章大手出焉已而文清應期生

奇觀樓舊藏七觀帖

七觀帖舊在袁氏奇觀樓下後移入郡治內明萬歷間郡守  
吳文企好古鑒賞載石而去豐考功坊曾摹刻焉

聞志

楊士奇

跋七觀帖云七觀帖袁文清公所作以贈程文憲公致仕南  
歸而趙文敏公之所書也公小楷如黃庭樂毅皆臨古人書  
獨此帖出公自然之趣惜紙墨未甚佳耳此刻今在四明余  
得之孟顥秀才

東里續集

甬水橋  
南塘河之東係烏山脉以下錄洪硯橋以北至長春橋止

四明談助

卷三十

三十六

宋元符三年建寶慶志作夏家俗稱下駕東抵城南接官亭

西達祖關

聞志

河東薛家山南有分水落江稱洪硯有洪硯橋

甬水獲醜

唐僖宗乾符四年狼山鎮遏使王郢作亂陷蘓常州泛海入  
閩及兩浙大肆猖獗爲節度使裴璩所敗復收餘衆攻陷望  
海鎮掠明州至甬水橋鎮遏使劉巨容以筒箭射殺之餘黨  
皆平

李志

王伯厚七觀云唐季不綱盜覆此城巨容筒箭獲醜

策勳

風雲雷雨山川壇

元置城東甬東隅明洪武初改建府城南門外甬水橋東築  
壇二丈五尺高二尺五寸坐子向午列風雲雷雨之神于中

境內山川之神于左城隍之神于右歲以春秋仲月上戊日致祭 國朝因之詳郡邑志

靈顯廟

縣南半里長春門外宋建炎間鄭世忠隨駕至明州死于王事邑人義而葬之金谷甲陳畧後隆之原屢顯靈異開慶元年賜今額延祐志明郡守鄭珞祀南壇見神降壇改稱爲靈感其一廟卽在後隆金谷園之墓前聞志乾隆四十七年里人遷建于後洋河錢志後洋河在左山川壇在右門臨長漕隔漕爲

柳亭菴

草香園 在山川壇北高阜而平俗傳吳典史園敬止錄

薛家山 在山川壇左有宋朝議大夫薛唐墓故稱薛家山

四明談助 卷三十

三十七

柳亭菴

甬水門外里許唐天復間僧鴻紹創建柳亭有王公建庵棲之本郡柳刺史見白光一道因尋見僧又建柳亭塔院宋元祐間周鏐瘞啞女于此後又見之京師歸發而視之則空棺存焉有目講僧埋髮處名髮塔初菴爲境清寺別院而天寧延慶金峩護聖保福資壽延壽王七寺香火存焉號七寺祖塔皆接境清之緒蓋嘉靖初日本入貢寓境清因相爭殺燬境清僧衆散處七寺故也崇禎間僧大超重修敬止錄周太僕昌晉有重建碑記載敬止錄亦載聞志敬止錄又有楊德周碑陰記陸世科復興柳亭菴大超法師碑記

錢文薦柳亭菴復田記敬止錄

甬東多古剝柳亭菴其一云菴始于唐天復二年隸境清寺而寺故爲柳使君所創猶吾慈之有闕太傅捨宅爲普濟寺是也柳亭亦使君別業改爲菴林壑幽清寺僧鴻紹領之紹沒葬此地而紹所授記十三徒皆累累聚骨其中至國初有目講僧者得大龜養之十年行住坐臥與龜不相離也其主僧惡之一日乘師他宿椎殺龜龜夜見夢曰吾龍種也左右目能知天文地理今已矣顧與師相處久無以爲別別當有淚師第取淚塗目塗左則能知天文塗右則能知地理矣已師哭龜見龜目果有淚亟取淚塗目塗其右遺其左而師但能洞識堪輿凡里中所傳奇形怪穴多出師指點雖曾賴莫及也師歿亦附葬紹旁而誌傳所稱戒香寺啞尼爲維衛佛

先亦曾葬此非踪跡杳茫不可考者嘉靖初島夷入貢假境清寺居停旣而朱徐二種互相格殺寺燬有司卽其址建嘉賓堂師徒因而散處天寧延慶等寺而柳亭菴之巋然靈光自若也庵故有田三十六畝地六畝年久湮沒會萬歷癸酉詔天下所在丈量天寧僧慧存清之額如舊事載中隱山客碑中而近爲無行酒肉僧所壞慧存孫圓德聞而鳴之官立撻逐之而王中丞公子曾讀書于此不忍淨業子遺令補田十畝地六畝還之庵凡柳亭香火絕而未盡絕者皆宰官賜矣竊恐無徵不信後之狡焉啓疆者安所防也敢爲一言以記亦有以吾慈普濟事聞于四明者乎闕太傅捨宅爲寺塑像伽藍至昭灼也而一學士悞聽術人言亟思撤寺而爲瑩

甫卜兆伽藍現像學士遂立死荆棘中果報之可畏如此矧柳亭爲佛祖葬地又非普濟比也昔余文敏拜相卜兆者謂此地有王氣文敏以爲非臣子分呼術者訶之議遂寢猶恐後之垂涎者心未息也乃命梓人顏城南古刹于菴以示不朽意深遠矣噫以此爲訓烏知奕世後不更有踵學士之所爲者乎雖佛祖慈悲而柳使君赫赫當如闕太傅監茲在茲者有之知荆棘之厄亦無所逃于天地間矣時萬歷丙辰秋八月之望

### 維衛塔

啞女莫詳其氏族宋熙寧中見于明州之戒香寺年可十七八狀媼忸雙鬢垂耳後身服疎布曳手跣足行市井間所至

### 四明談助

### 卷三十

三十九

以容之喜慘定吉凶多驗在寺惟持帚掃地而已中大夫周鏐居月湖西方治舉子業屢至其家一日趣裝應舉女大笑作長短句餞行云風波未息虛名浮利終無益不如早去陪蓑笠高臥烟霞千古企難及君今旣已裝行色定應雁塔題名籍他年若到南雄驛玉石休分徒累卞和泣鏐襲而藏之尋歸寺長吁而逝鏐爲具棺瘞之柳亭後見之京師驚問曰汝啞女耶揮手不答驟步去鏐後果如南雄以言邊事忤時相入黨籍鄉士衛開于洛陽旅邸遇一道人謂開曰公鄉啞女者維衛佛也若歸可往禮拜比歸訪之戒香已化矣以不及見爲恨明年過錢唐寓書吏陳式家見小兒數十擁一尼童入門譁然曰啞啞啞開驚顧女素紙筆書曰須彌山上擺

鐸大洋海底搖鈴若問啞女姓字只此便是眞名出門徑去  
追問小兒忽俱不見戒香寺啞女傳四明古號三佛地以阿育王之  
釋迦舍利戒香之啞女維衛岳林之布袋彌勒也聞志  
萬季野竹枝詞

背郭茅菴字柳亭一叢竹木喜青青若言啞女當年事不信  
人間怪物生南郭柳亭菴祀維衛佛相傳宋時有啞女能  
知未來事一旦無病而逝後有人見之云卽維衛佛菴其  
埋骨處也

### 鄭郎堰

南門外三里至正續志作鄭十八郎堰與隔江道士堰相對  
凡西鄉舟過江東者必經此二堰敬止錄

### 四明談助

#### 卷三十

四十

### 目講墓

柳亭菴三面距水左爲鄭郎堰港堰外卽甬江右爲靈感廟  
前港廟後卽南塘河前對薛家山山外有洪硯橋分水落江  
後坐後洋河河外卽南城竹木蕭森沙水交會爲南郊勝境  
相傳明初有地師目講僧游方至此精于地理善風鑑見其  
家有善行應得地者爲之扞墳有明一代發墳多出于其手  
歿後葬于此菴著地理書數卷曰索隱留遺菴中近有改名  
山洋指迷行世者卽其原本也

聞志云目講僧不知姓氏里族或云元進士晦迹爲僧明初  
來鄞爲人卜葬無不奇驗嘗曰吾當以目講天下故稱爲目  
講後卒于鄞不知葬所今柳亭庵有塔鐫曰延慶堂上目講

師蓋延慶寺講師之名目者非目講僧也

此又一說

### 正議樓公講堂

贈正議大夫樓公郁自奉化遷鄞卜居城南有講堂在柳亭  
袁正獻之先光祿學焉後爲袁正獻絜齋書院勾餘土音詩  
見下

城南書院記畧 鮎埼亭集

城南書院者袁正獻公之家塾也四先生之講堂慈湖書院  
建于宋文叅政本心記之廣平書院建于元王尚書深寧記  
之正獻之書院亦建于宋而其記不傳惟沈端憲公無專塾  
明人始爲補立南山書院五百年以來三書院雖衰尚有存  
者而城南之址獨圯予旣徧舉先賢故蹟乃訪其地而復之

### 四明談助 卷三十

四十一

四先生之中長庚曉日最光顯于暮年者文元與正獻也而  
文元之教不如正獻之密蓋槐堂論學之宗旨以發明本心  
爲入門而非其全力正獻之言有曰學貴自得心明則本立  
是其入門也又曰深思而得之兢業而守之是其全力也槐  
堂弟子多守前說以爲究竟是以稍有所見卽以爲道在是  
而一往蹈空流于狂禪以文元之齊明盛服非禮不動豈謂  
于操持之功有闕而其教多以明心爲言蓋有見于當時學  
者陷溺于功利沈錮于詞章極重難返之勢必以提醒爲要  
故其說偏重而不自知其非使其如正獻之教寧有是乎正  
獻之奉祠而歸日從事于著書豈非與建安之教相脗合乎  
有宋以來大儒林立其子弟能再世並爲大儒則不概見前

惟武夷胡氏後惟袁氏實生正肅冠冕一時黃提刑東發最  
主閩學至于正肅以爲晚世無先之者則書院之建也微特  
非袁氏之學統所得而私抑豈吾鄉之學統所得私哉城南  
之地蓋始于慶歷中正議樓公之講堂當時學者稱爲城南  
先生及正議遷居城內西湖正獻之高祖光祿以高第講學  
其地遂世居焉正獻三子正肅遷居城內鑿橋而其餘仍在  
城南至今猶有存者書院旣成即使袁氏後人司之  
句餘土音城南古蹟

過柳亭訪袁正獻公絜齋書院

詩話本正議樓公講堂正獻之先光祿學焉遂居其地

在昔樓評事於此闢榛荆中有袁光祿實爲都講生評事旣

四明談助

卷三十

四十二

徙居光祿乃紹承薪傳歷三世碩儒大其聲鳶飛而魚躍此  
心共清明由來小天地相與常惺惺精廬紛戶屨至教多所  
成敏者或自得鈍者或涕零嗣音有廣微家學愈噌吰王道  
在尚書聖學在孝經正獻解尚書瀕江幾楹屋繁星耀太清  
科舉日以盛微言日以零千里生民業但爲溫飽營慈湖教廣微語  
西瞻鄧山塾亦復沒蒿芴城南育書院二其一爲朱子四傳弟子趙氏鄧山書院今皆亡矣  
是亦樓

鮎埼亭集記畧袁正獻公世居城南其講堂卽所稱城南書  
院者也講堂之旁有小樓名以是亦正獻游息登眺之所也  
深寧居士述正獻之言曰斯區區者直不高大耳是亦樓也  
不特是樓推之山石花木衣服飲食貨財隸役莫不皆然卽

更推之我生通籍以來之宦情皆作此樓觀曰直不高顯耳是亦仕也凡身外之物皆可寡求而易足惟此身與天地共廣大高明我固有之若徒儕于凡庸而曰是亦人耳則吾所不敢也正獻命名之意如此予嘗謂聖賢之學總不容苟且之說故不特不可以苟生亦不可苟死不特不可以苟取亦不可苟與苟生苟取斯其人本庸下之材苟死苟與則固有異于庸俗而不知此急功近名之見君子恥之乃獨有不妨于苟者則惟居處日用之間孔子所以稱衛荆之善居室也正獻之名樓蓋祖其意而已斯卽先哲學統之所寄也正獻之歿五百餘年矣城南甲第鞠爲田父之廬予于歷劫以後重求書院之址而出之因併求樓址而出之彼承學之過此

四明談助

卷三十

四十三

返而省心如聞瞿瞿灌灌之在耳焉于是去其求安求飽之念而不求至于聖人不止是則正獻之所望也

是亦樓應在鑿橋郡學之西此云在城南講堂旁當別有所據

長春觀

勾餘土音泛舟城南咏故蹟

出城先抵東岸弔高憲敏公長春觀

江村道觀塵徑封云是少師之遺宮少師薪傳自將樂

謂楊龜山

力爲橫浦排禪宗道流恐亦非所容當年正學傳三雍中興師儒數首功諍友侃侃愛五峯它山之錯玉可攻終乘一舸完高蹈臥看江市漁火紅息齋春秋甲諸傳參稽典禮資厚

終此是當年著書處故應瓣香長熊熊少師子弟俱不惡華  
文父子才力雄可惜風節微有玷裘冶將無愧此翁湖上香  
飄金粟空寒潭無復潦水蒙今桂芳橋尚高氏物我來觀下弔遺踪世  
家子弟慎所從

詩話高憲敏公長春觀有二一在湖上舊是公書院尋爲  
守祠之觀一在城南其先塋之丙舍也今皆變而爲庵而  
城南之觀并志乘亦不載爲高氏之物矣

高憲敏公閱其先由廣陵徙于鄞湖上桂芳橋卽其居  
第有書院近長春門故稱長春書院書院記并傳俱見  
第十九卷湖上居第下

鄭老辟禍得禍

四明談助

卷三十

四十四

鄭鄭老人夜得惡夢占于善卦者占云三月十四日己卯有  
叵測橫禍宜避匿不出城南潘家外孫也是日邀之家臨水  
窻中靜誦蓮華經適待夷歐內官使從者放鷹獵于負郭林  
野鷹逐一禽直入窻內同墜蓮經上老人驚以兩手重按鷹  
禽俱斃從者追及見鷹死執老人于歐內官所痛鞭幾殞發  
寧波府推官問追鷹價白金八兩乃知橫禍之及不可逃也

嘉靖志

向陽橋

橫跨甬水門南沈明臣詩南塘路上百花嬌滿面春風處處  
饒今日踏青無不可勸君莫過向陽橋

敬止錄

長春圃

楊御史美益少子少海建在甬水西隔岸卽柳亭菴

敬止錄

楊伯翼詩

南塘北垞水雲亭風掃長楊日氣青借問主人何所事案頭  
惟有種魚經

種來桃李漸成蹊白槿紅萱落更齊不是春風常在手四時  
那得使人迷

夾池修竹萬琅玕五月南風箇箇寒昨夜月明清影盛滿天  
秋水濯冰紈

徧插芙蓉水榭涼水風千頃泛裳裳醉來一臥沙頭石月曉  
天清萬戶霜

朱樓碧樹影層層竹節魚鱗喜不勝翻恨金華吳孺子鹿皮

四明談助

卷三十

四十五

深坐古龕藤

朔風吹海氣茫茫十月霜林橘柚黃湖水蝕隄楓葉赤行人  
不辨是江湘

長春塘

縣南長春門外當甬江之衝舊障塘以泥不時崩圯明萬歷  
戊午邑令沈猶龍改築石塘民多頌之邑人周副憲應治有  
記立石南甕城內今剝蝕矣

聞志

鳥山脉自永寧橋過河東北行結甬江大馬頭已詳上卷